

MBEWU A YI Dyi

NDZHAKA NA XIKAMBA

 A hi yimiseni xisweswi leswaku kuva xinkadyana xa xikhongelo. A hi korhamiseni tinhloko ta hina.

² Xikwembu lexi rhandzekaka, ha kholwa leswaku lowu i nkateko wa kahle, vusiku lebyi, kuva hi ri lahawani eka ntirho lowu, ku tisa Kreste loyi a hanyaka eka misava leyi yi faka na rixaka leri ri faka.

³ Hi ta kombela, Hosi, leswaku U ta tota marito ya hina na micingiriko ya hina, leswaku yi nga tlheleli eka Wena yi ri leyi nga riki nchumu, kambe yi nga ha hetisisa leswi swi nga xikongomelo xa yona.

⁴ Pfuna wanuna un'wana na un'wana, wansati, jaha, kumbe nhwana, lahawani vusiku lebyi, lava va nga na swilaveko. Kutani, Tatana, ha switiva leswaku hinkwerhu hi na swilaveko. Kutani loko hi ta famba, vusiku lebyi, i ngaku hi nga swi twa etimbilwini ta hina ku kotisa lava a va huma e Emmaus, endzhaku ka...loko va mbhoniyerile hi ta ku pfuka ka Kreste, va ku, "Xana timbilu ta hina a ti tshwanga loko A tava a vulavurile na hina endleleni?" Hi nyike swona, Hosi.

⁵ Hanyisa vavabyi ni lava va xanisekaka. Leswaku ku ngavi na un'we loyi a ngariki na matimba exikarhini ka hina endzhaku ka xikhongelo vusiku lebyi. Ni le henhleni ka swilo hinkwaswo, leswaku ku nga sali na un'we loyi a nga pfumeriki, Hosi. Leswaku hinkwavo va nga ha pfumela eka Vutomi lebyi nga Heriki, hikuva xexo hi xona xikongomelo xa hina xa kuva hi hlenglestanile lahawani.

⁶ Minkateko leyi hi yi kombelaka i ya ku xixima Mfumo wa Xikwembu, hi Vito ra Yesu Kreste, N'wana wa Xikwembu. Amen.

Mi nga tshamisa.

⁷ Swi kahle, vusiku lebyi, kuva hi tlhela hi vuya nakambe. Kutani ndza swivona leswaku hi na ndhawu nyana yo yima, nakona ndzi pfumela leswaku—leswaku tiqhingho tipfuriwile sweswi, eka madoroba yo tala ku rhendzeleka hi tiko; San Francisco, Tucson, ku ya fika evuxeni. Kutani hina, hi riqhingho, ha va xeweta. Hi le ka odithoriyamu lahawani vusiku lebyi. Kutani odithoriyamu leyikulu yi tele, nale xikarhi; na ku rhendzeleka hi makumbhi, ya tele hi vanhu lava va nga yima. Nakona ha switwisisa leswaku vusiku bya mundzuku hi ta ringeta ku pfula tlhelo rin'wana lahawani,

ka vutiori, leswaku hi ndlandlamuxa odithoriyamu ley i yi nga ta hlayisa kumbe ku tlula gidi ra vanhu. Swingaleswi hi tshembhela sweswo, vusiku bya mundzuku. Loko ya ha tala vusiku bya namuntlha, byi ri vusiku byo sungula, hikokwalaho ka yini, hi pfumela leswaku yi tava yi ri leyikulu vusiku bya mundzuku. Nakona ndza swivona leswaku va engetele switulu swin'wana, na hinkwaswo, nakambe, vusiku lebyi.

⁸ Hi le hansi ka ku langutela lokukulu; ku sungula, ka ku Vuya ka Hosi Yesu; lexi xi landzelaka, ku ponisiwa ka...eka mimoya ley i lahlekeke yi nga ta N'wi amukela vusiku lebyi niku tilulamisela ku Vuya ka Yena loko A ta humelela.

⁹ Ndzi lava ku nyika ku xeweta ka ximfumo ni ku amukela vavanuna lava va kahle hinkwavo eka platifomo, laha ndzi swi twisisaka leswaku votala va vona i tiministara. Ku tlula dzana, kumbe ku tlula, va tshameke eka platifomo, nakona hakunene hi khensa swinene kuva va ri lahawani.

¹⁰ Eka n'wina vanhu hinkwenu, hambi mi le kwihi, eka swiphemu swo hambana swa tiko...Kutani ndza swi twisia leswaku van'wana va kona lahawani lava va humaka ku tsemekanya lwandle, endzhandzheni wa malwandle. Swingaleswi hi tsakile kuva mi ri lahawani ku ta tiphina hi xinakulobyi lexi na hina, laha hi nga ehansi ka ku langutela ka leswi Xikwembu xi yaka eku hi nyikeni swona eka nhlengeletano ley.

¹¹ Swi tikomba tani hiloko, sweswo kusukela loko ndzi tava ndzi ehleketile hi ku tlhela ndzi vuya eka masiku ya ntsongo lawa ya nhlengeletano, lawa mbilu ley i yi nga ya mina a yi huwelela ku biha hi vutitwi lebyikulu bya leswaku swin'wana swi lava ku humelela. A ndzi tivi leswaku ku ngava kuri yini, kambe ndzi tshembha leswaku i nhlavutelo lowukulu wa Xikwembu, lowu wu-wu nga ta hi lulamisela ni ku hi endla vaaki vo antswa va Mfumo wa Yena loko ha ha famba eka misava ya munyama wa vudyoho ni kuva yi ngari na ripfumelo.

¹² Misava ley i vusiku lebyi, ndhawu ya ley i, yi ndzi khomele nchumu wa kahle. Kusukela loko ndzi tava ndzi switivile leswaku va akile xikolo lexi xa odithoriyamu lahawani, ndzi lavile ku khomela xikhongelo eka ndhawu ya ley i. Ndzi khensa ngopfu eka bodo ya xikolo ni lava va switsakeleke leswaku hi va na yona.

A yi ri ehenhleni ka ndhawu ya ley i, kun'wana laha muako lowu wu nga yima kona vusiku lebyi, laha nchumu lowukulu wu nga humelela ku ringana makume nharhu wa malembe lawa ya nga hundza, kona kwala eka ndhawu ya ley i. A yi ngari na nchumu handle ka nsimu ya swikhwati swa swiwhayi hi nkarhi walowo. Kutani a ndzi tshama eka xiyindlwana lexi a xi ri endzhaku ka kwalahawani, kwalomu ka madzana mambirhi ya majorata. A ndzi vilela hi minkarhi

leyi hikokwalaho ka ku ponisiwa ka tatana wa mina na manana. Laha, havumbirhi va nga famba vusiku lebyi. Nakona kahlekahe, hi siku lero, a ndzi vilela hi tatana wa mina. Ndza tsundzuka, a ndzi etlela erikupakupeni. A ku kufumela, hi nkarhi wa ximumu.

¹³ Leswi swi tsariwile, ndza pfumela, eka xibukwana nyana lexi xi vitaniwaka *Yesu Kreste Hi Yena Tolo, Namuntlha, Ni Hilaha Ku Nga Heriki*, kumbe yi va yi ri eka xibukwana lexi xi vitaniwaka leswaku *A Ndzi A Langa Xikombiso Xale Tilweni*.

¹⁴ Kutani ndzi pavalala erikupakupeni, ndzi vuye ndzi pfuka hi xitshuketa, hiloko ndhwalo wu ta embilwini ya mina wa tatana wa mina. Tani hiloko, votala va n'wina vanhu va lahawani dorobeni mi n'wi tivaka tatana wa mina. Ndzi pfumela leswaku a ri munhu wa kahle, hambi leswi a ri mudyohi. Kutani, kambe a ri na mahanyelo lawa a ya ngari kahle, kutani ndzi ringetile ku lwa ni lwisana na nchumu walowo hi ku tika tani hilaha ndzi nga kota ha kona, enguveni, laha, ku nga ku nwa. Kutani madyambu ya lawa a ri eku nweni. Kutani ndzi pfukile na ndhwalo lowukulu embilwini ya mina wa yena. Ntsena ndzi ambarile tibijama ta mina, ndzi ambala buruku ya mina, ndzi tshika hembhe ya mina ya bijama emirini; ndzi rhendzelekile eka yona nsimu leyi ya swikhwati swa swiwhayi, ku ta fika laha lowu wu nga yima kona sweswi, kutani ndzi khizamile ehansi ndzi khongelela tatana wa mina.

¹⁵ Kutani loko ndza ha ri eku khongeleni ni ku kombela Xikwembu leswaku xi n'wi ponisa ni kuva xi—xi nga n'wi pfumeleli leswaku a fa a ri mudyohi, hi leswaku a ndzi n'wi rhandza; kutani loko ndza ha ri eka xikhongelo, ndzi pfukile ndzi ta languta ehenhla evuxeni kusuka kwalahawani, kutani a kuri na xivono. Kutani a xi yimile ehenhla ka mina, votala va n'wina ma xitiva xivono lexi, a kuri xa Hosi Yesu.

¹⁶ Sweswi, a ndzi na aleji eka leswi swi kombisiwaka, tani hilaha ndzi switivisaka xiswona. Kambe swivono i swa ntiyiso. Kutani lahaya a ku yimile Hosi Yesu, i ro sungula loko ndzi ta tshama ndzi N'wi vona eka xivono xa muxaka walowo. A ri kwalomu ka ntsena, oho, kwalomu ka khume ra tifiti ehenhla ka nhloko ya mina, a yimile exikarhi ka moyo, na nenge wun'we lowu a wu tlhave goza. A ambarile nguvu yo basa, yi ri na ridziva ku rhendzeleka hile tlheloa ka yona. A ri na misisi leyi a yi nembelela ehansi ku ya fika emakatleni ya Yena. A languteka a ri kwalomu ka, Wanuna loyi Bibele yi nga vula leswaku U tano, kwalomu ka makume nharhu. Kambe, lontsongo, Nakulorhi wo akeka wo lala, a ri lontsongo, a languteka A nga tiki ku tlula dzana na makume nharhu wa tiphondzho.

¹⁷ Kutani ndzi langutile, kutani a ndzi ehleketa leswaku ku na swin'wana, swa leswaku ndzi ngava ndzi hoxile. Swingaleswi ndzi—ndzi tipfinyingile mahlo ya mina

kutani—kutani ndzi languta nakambe. Kutani A yimile hi maendlelo yale matlhelο, maendlelo ya ngohe ya xikandza xa Yena. Na ku languteka ka xikandza xa Yena, loku ndzi tshamelaka ro ku vona eka swivono, a xi kotisa xa nhloko ya Hofmann ya Kreste loko a ri na makume nharhu. Hi xona xivangelo xa kuva ndzi ri na xona xexo endlwini ya mina, laha ndzi hlayelaka kona, hilaha ndzi nga xivekela kona, hikuva sweswo hi leswi a xi langutekisa xiswona, ngopfu ku fana na xexo. Ntsena, A languteka a ri lontsongo.

¹⁸ Kutani tani hiloko ndza ha N'wi languta, ndzi ehleketa, "Hi ntiyiso a ndzile ku languteni ka Hosi ya mina leyi nga yima lahaya." Kutani a ndzi ri wa maendlelo ya lawa, ndzi nga ha vula tano, eka xiyimo *lexi*, kumbe ku kongomana na laha ku nga na *leyi*, ehansi laha phulphiti leyi yi nga kona sweswi. Kun'wana, a yi ri kwalahawani eka vusuhi lebyi, endzeni, ku nga na ku anama ka laha ndzi nga yima kona, hi ku pima loku ku antswaka ndzi nga ku kotaka, exikarhi ka makume mune kumbe makume ntłhanu wa majorata ya kun'wana ku rhendzeleka hi xifundzha *lexi* xi nga lahawani, eka xirhendzevutani *lexi*.

¹⁹ Kutani ndzi langutile ehenhla, nakona A yimile kwalahaya. Kutani ni thokoza tintiho ta mina, ku vona loko kuruku a ndzi ettele. Wa swi vona loko u lava... Ntsena a swi ti komba tani hiloko swi ngari tano. Kutani a ndzi ri lontsongo eka Hosi kwalaho, kwalomu ka tin'hwti ta ntsevu ndzi ri eku chumayeleni. Ndzi thokozile tintiho ta mina. Ndzi tekile mhandhi ya xiwhayi ni yi tshova. Kutani votala va n'wina vanhu lava mi tshamaka laha etikweni, ma xitiva xisusa nyama ematinweni lexintsongo, tani hi sweswo, xi kumeka eka mandhi ya xiwhayi. Ndzi sungurile ku xi neakunyha. Kutani ni ku, "Swi—swi ngaka swi ngavi tano. Ndza lorha. Lahaya ku na muti wa ka hina. Ku na tatana, manana, na vana kwalahaya. Lahaya a kuri na xidan'wana xa yindlu ya switina *lexi* a xi tololelekile kuva ehansi lahaya, laha a ndzi toloverile ku hlota masekwa, ntsena kwalomu ka madzana mambirhi ya majorata endzhaku ka lowu. Nakona hi mina loyi ndzi yimile ensin'wini; swi fanele kuva tano."

²⁰ Ndzi rahile ehansi, ndzi tlhava goza nyana, kutani ndzi ninginisa nhloko ya mina, ni—ni ku khondla mavoko ya mina, ndzi languta ehenhla nakambe; ndzi languta ekule, ndzi tlhela ndzi languta nakambe, kutani A ha ri kwalahaya, a yimile kwalahaya. Kutani moya wu sungula ku hunga, hiloko ndzi vona timhandhi ta swiwhayi ti sungula ku ninginika. Loko ti tava ti sungurile ku ninginika, mikhanchu ya Yena yi haha-haha na yona. Ku kotisa mpahla loko yi nekiwile, yi sungula ku—ku gubuzeka. A yimile kwalahaya. Ndzi swi langutile.

²¹ Kutani ndzi ehleketa leswaku, "Loko ndzi nga kota ku n'wi languta ntsena exikandzeni xa Yena!" Nakona A langutile evuxeni, hi ndlela *leyi*. A swi hlalerile, a hundzuluka.

Kutani ndzi suka, leswaku ndzi jika, leswaku ndzi ta n'wi vona kahle exikandzeni xa Yena. Hambi swi ri tano a ndzi nga N'wi voni kahle. Mavoko ya Yena a ya ri emahlweni ka Yena, kumbexani a tumberile hilaha a ndzi yime kona.

²² Ndzi hundzulukile nakambe. Kutani ndzi ti basisa nkolo wa mina, swin'wana swo kotisa leswi, ku ri, "ham," ku vona loko ndzi nga koka rinoko ra Yena. Kambe A nga kalanga a tshukunyuka.

²³ Hiloko ndzi ehleketa, "Kumbexani ndzi N'wi vitana." Loko ndzi ku, "Yesu," U hundzuluxile nhloko ya Yena. Kutani loko A tava a ndzi langutile, U lo tlharhamula mavoko ya Yena. Sweswo hi swona hi nkwaswo leswi ndzi swi tsundzukaka. Loko, kwalomu ka na nhlikanhi, a ndzi pavalarile kun'wana lahawani kun'wana laha ndhawu ya leyi yi nga kona sweswi, ensin'wini; hembhe ya mina ya bijama a yi tsakamile hinkwayo hi mihloti, laha a ndzi ri ekurileni. Kutani ndzi hundzile.

Xikandza xa yena xi na swihlawulekisi swa leswaku ku hava mupfapfarhuti loyi—loyi a nga xi pfapfarhutaka kumbe ku xipenda. Va ngaka va nga swikoti. A languteka tani hi Wanuna loyi, loko mi nga N'wi languta, A lavaka ku rila hi ntwela-vusiwana, na ku xixima hi xichavo; hambi swi ri tano a ri na matimba lawa ya eneleke leswaku, loko a nga vulavula, misava yi nga ha hundzuluka. Nakona swihlawulekisi swi ngaka swi nga khomiwi hi mupfapfarhuti.

²⁴ Kutani na namuntlha a ndzi switivi leswaku a swivula yini sweswo. Kambe hi mina loyi madyambu lawa ni kwala, endzhaku ka makume nharhu wa malembe, ndzi yimeke eka odithoriyamu leyi yi nga nyikeriwa eka ntirho wa Xikwembu xa Matimba hinkwawo. Kutani mina, ndzo va ntsena xirho lexi nga—nga tinyiketela, hakunene, ntsena wa—wa lavakulu eka ndhawu ya lokhali eka—eka kereke ya Baptist lahawani, laha Roy Davis a ri mufundhisi hinkarhi walowo. Kutani sweswi ndzi yimile kwalahawani eka ndhawu leyi yi nga tala hi vanhu, kona kwala eka misava ya liya, na... laha ndzi ehleketa leswaku, i nxavo wa Ngati ya Yesu Kreste yena hi Yexe, emavokweni ya mina, ku tisa Hungu leri ra mune wa masiku ra Hosi.

²⁵ Ntsena kwalomu ka tinhweti ta ntsevu endzhaku ka sweswo, ndzi vile na nkhuvulo wa mina wo sungula ehansi lahawani enambyeni, laha Layiti yi nga xikela ehansi lahawani eSpring Street. Votala va n'wina vanhu swi nga ha endleka mi lava ku rhelela ehansi ku ya yi vona, a Spring Street na mati, kwalahaya emahlweni ka nambu. Kutani kwalahaya hilaha Ntsumi ya Hosi yi nga humelela entshungwini, ro sungula, nakona hi awara ya mbirhi, eka ndzhengha wun'wana. Kutani Rito ri tile ri huma eka yona, ri ku, "Tani hi Yohana

Mukhuvuri a nga rhumeriwa ku ta lunghisa ndlela ya kuta ka Kreste ro sungula, Hungu ra wena ri ta lunghisela ku Vuya ka yena ra vumbirhi.”

²⁶ Leswi ku hundzile makume nharhu wa malembe, kutani hi mina loyi ndza ha ri tano, vusiku lebyi, nile ku vuleni ka Hungu rona lero. Ni kuva Ri fambe ku rhendzeleka hi misava, nakona ndzi tsakile ku tlhela ndzi vuya edorobeni rale kaya, vusiku lebyi, ku ta yimela Hosi Yesu Kreste loyi ndza ha n’wi rhandzaka hi mbilu ya mina hinkwayo. Siku rin’wana na rin’wana Wa kula a va kahle ku tlula hilaha A ri hakona ekusunguleni. A ndzi kalanga ndzi ncinka na thonsi na rin’we eka Dyondzo ya mina. Xo sungula lexi ndzi nga sungula hi xona, ndza ha pfumela xexiya madyambu lawa. Wa ha ri wa tolo, namuntlhha, ni hilaha ku nga heriki. Swingaleswi ndzi na Hungu leri ndzi nga na vutihlamuleri ha rona.

²⁷ Loko Hungu ri tava ri sungurile, a ri ri tano, hakunene, un’wana na un’wana; a khongelela vavabyi, mahlori lamakulu, swihlamariso, na masingita. Leswi swi nga sungula, ngopfu-ngopfu eka vanhu va Mapentekostal, mpfuxelelo wa misava hinkwayo wa mapfhumba yo horisa lawa ya nga kukula misava. Ku ringana khume ntlhanu wa malembe yo tiya akuri na mipfuxelelo eka xiganga xin’wana na xin’wana lahaya, ndzi fanerile, mpfuxelelo wa ku pfurha ka mindzilo. Ku hlayeriwa mamiliyonu ya lava va nga amukela Kreste tani hi Muponisi wa vona, hi ku lerisa kun’we kwaloko. Loku ku nga nhlohloteriwa, kusukela kwalahaya, ku ya eka Oral Roberts, na kuya emahlwени, na kuya emahlweni nale mahlweni, tani hiloko swi ya emahlweni hi ku rhendzeleka.

²⁸ Endzhaku, kereke ya Pentekostal yi pavalarile eka vurhangeri bya yona bya rifu, tani hilaha a yi ri hakona ekusunguleni. Ku rhandza ka mina na ku tsakela, vusiku lebyi, i ku pfuxa kereke ya leyo, nakambe, ku Vuya ka Hosi Yesu ku fikile. Ndzi fanele ku yi tshinya. Ndzi fanele ku tshinya vudyoho hi maendlelo wahi na wahi. A ndzi vuli leswaku eka dinominexini ya un’wana na un’wana. Ndzi na Hungu.

²⁹ Sweswi, swa tika ku kumeka eka kereke leyi yi nga na nseketelo wa swa timali, ntsena tani hiloko a yi ri na Hosi Yesu, hikuva hi Yena; a hi mina. Kambe tani hilaha A chumayeleke ekusunguleni, ni ku hanyisa vavabyi, a pfuxa vafi, ni ku basisa va nhlokonho, ni ku hlongola madimona, un’wana na un’wana u N’wi lavile. Kambe lahaya ku fikile nkarhi laha a kuri na Hungu leri a ri landzelela singita rin’wana na rin’wana, hikuva singita ri na rito.

³⁰ Kambe loko A ta tshama ehansi siku rin’wana, a ku, “Mina na Tatana wa Mina hi Un’we,” sweswo a swi tlula leswi va nga ha swi yimelaka. A swi ri tano, nakambe, loko A te, “Handle ka loko mi nga dya nyama ya N’wana wa munhu ni ku nwa Ngati ya Yena, a mi na Vutomi eka n’wina.”

³¹ “Njhani?” Hikokwalaho ka yini, vadokodela na vanhu lava va ehleketa kahle va ngava va teri, “Wanuna loyi o va vhemphaya ya ximunhu, u le ku ringetenka kuva a mi kuma leswaku mi dya nyama ya Yena ni ku nwa Ngati ya Yena.” A nga kalanga a swi hlamusela. U lo swivula ntsena.

³² Kutani vusiku lebyi mi nga ha twa swilo, kutani nale nhlengelatanwini, leswi ntsena swi nga vuriwa. Hi nga ha tsandzeka ku swi hlamusela. Kambe, tsundzukani, Yesu Kreste wa hari yena wa tolo, namuntlha, ni hilaha ku nga heriki. Ha swi pfumela.

³³ Sweswi, a hi na nkarhi wo vulavula ngopfu, hikuva hi na nkarhi wun’wana wo sungula lahayani na nkarhi wun’wana wo huma. Kutani ni lava ku xixima bodo ya xikolo leyi yi hi vekeleke minkarhi leyi, kutani hi ta endla hinkwaswo leswi hi nga ta swikota ku va xixima.

³⁴ Tsundzukani, nkarhi wun’wana na wun’wana mudyohi u lava ku ta eka Kreste, hinkwaswo leswi mi fanelaka ku swi endla i ku famba kahle, hambi ndzile ku chumayeleni, eku yimbeleleni, hambi ku ngava yini, kutani nyikela vutomi bya wena eka Kreste hi nkarhi wa lowo, yima eka xitshamo xa wena. Sweswo hi leswi hi nga tela swona lahayani, ku ta mi pfuna.

³⁵ Ndzi lava ku vulavula na Makwerhu Vayle, Makwerhu Rober-... Borders, na vamakwerhu lahayani. Loko... Ndzi nga hlamala loko va ri hava, ekerekeni, hi ndzhengha, kumbe mixo wun’wana, kumbe swin’wana, xikhongelo xo lerisa eka lava va lavaka nkhuvulo wa Moya lowo Kwetsima. Sweswo swi tava swi ri kahle, n’wina vamakwerhu? Makwerhu Neville na hinkwerhu ka n’wina mi nga kota ku fikelela kwalahaya, na Makwerhu Capps. Loko kuri na loyi a lavaka ku kombisiwa eka nkhuvulo wa Moya lowo Kwetsima, hikokwalaho ka yini u ngati eka tabernakele... Hi swihi leswi swi nga vaka swa kahle, ni mixo kumbe ni ndzhenga xana?

³⁶ [Un’wana a ku, “Ni mixo.”—Muhleri.] Ni mixo, kwalomu ka awara ya khume? Kwalomu ka awara ya khume ni mixo.

³⁷ Loko u ngava na xivutiso eka Dyondzo, loko u ngava na xivutiso hi Hungu, loko u-loko u lava ku... u nga se tshama u chumayelela van’wana, hi wexe, u lava ku khongeleriwa, kumbe swin’wana leswi u lavaka ku swi tiva hi maendlelo ya vona, hikokwalaho ka yini u nga rhetemukeli ehansi lahayia hi awara ya khume ni mixo kutani u ya vona vavanuna lava. Ku tava na un’we kumbe votala va vona kwalahaya lava va nga ta lerisa, ku khongeleriwa vavabyi, ku hlamula na swivutiso. Ntsena tani hi munhu a ri yexe, kunene, yena... Ntsena u ya eka vona, nakona va tava va tsakile kuva va ku pfuna hi ndlela leyi va nga yi kotaka.

³⁸ Sweswi, loko ntsena hi nga se tshunelela Rito, hi lava ku tshunelela Mutsari wa Rito nakambe. Mi nga ha dya ngopfu;

mi nga ha nwa ngopfu; mi nga ha hleka ngopfu; mi nga ha famba ngopfu; kambe mi ngaka mi nga khongeli ngopfu. “Ndzi lava kuva wanuna ya loye a khongelaka hinkwako, atlakusela mavoko yo kwetsima ehenhla ku ngari na ku kanakana kumbe vukarhi.”

A hi khongeleni.

³⁹ Yesu la rhandzekaka, Mutsari wa Rito ra Vutomi, nakona U Rito lero, hi ku titsongahata sweswi hi tshunelela Wena endzhaku ka ku hlamusela xivono. Leswaku, Xikwembu, U hlayisile vumbhoni bya mina bya leswaku i ntiyiso. Hosi Yesu, ndza khongela leswaku U ta tota marito madyambu lawa eka ndleve yin'wana na yin'wana leyi nga yingisela leswi swi nga ehansi ka mpfumawulo lowo Kwetsima. Kutani loko kuri na un'wana lahawani, kumbe loyi a nga yingisela, ku rhendzeleka hi tiko, loko va nga se tilulamisela niku tilunghisela eka awara leyi ku hlangana na ntlhontlho wa awara, Hungu leri ri humaka eka Xikwembu, ku hundzuka ni ku ti lulamisela, hikuva Mfumo wa Xikwembu wule kusuhi. Ha khongela leswaku swi va tano, vusiku lebyi, na vona, leswaku va ta hlangana na ntlhontlho wa awara leyi.

⁴⁰ O Xikwembu, ndzi ta khongelela ku pfuniwa, hi ku tiva yutihlamuleri ni leswi byi vulaka swona, ni leswi ndzi faneleke ku swi hlamula hi Siku ra ku Avanyisa, eka hinkwaswo leswi ndzi swi vulaka lahawani na kun'wana. Ndzi pfune leswaku ndzi fela eku tshembhekeni, Hosi, ni hinkwaswo leswi ndzi swi endlaka kumbe ku swivula eRitweni ra Wena, leswaku swi nga ha tswala muhandzu. Tani hilaha, xileriso xa Wena a xi ri ha kona, “U nga ri pfumeleri Rito leri ri suka enon'weni wa wena; kambe ri hlamuseli kwalahaya, vusiku ni nhlikanhi, leswaku hi nga ha kota ku xiyaxiya loko hi endla hinkwaswo leswi swi nga tsariwa enawini. Kutani swi ta endla leswaku swi endla tindlela ta hina tihumelela, nakona hi va na ku humeleta ka kahle. Xana A ndzi ku lerisanga? Leswaku u tiya u nga chavi, hikuva Hosi Xikwembu xa wena xi na wena hinkwako laha u yaka kona.” Hosi Yesu, swi endli swi va tano, vusiku lebyi. Ha khongela hi Vito ra Yesu. Amen.

⁴¹ Wavunlhau na Muqhivela, kusuka hi khume ku ya fika hi khume mbirhi, etabernakeleni eka 8th na Penn Street, kutava na swiletelo, tinhlamulo ta dyondzo, swikhongelo swa vavabyi, na swin'wana swo tala. Tanani loko mi ri na xivutiso xin'wana na xin'wana, hinkwaswo leswi mi swi lavaka. Kutava na vavanuna kwalahaya ku—ku ta swi tshuxa. Hosi a yi mikatekisi.

⁴² Sweswi, hi ku pfula xikhongelo lexi vusiku lebyi, ndzi ngaka ndzi nga endli nchumu handle ka ku xi pfula hi ku kongoma hi Hungu ra hina. Sweswo hi leswi hi nga tela swona, nakona hi leswi ndzi nga vuyela swona.

Hi Sonto na mixo, loko Hosi yi swi rhandza, ndzi lava ku hlangana na ntlhontlho wa lowo lowukulu wa siku, wa *Vukati Ni Ku Thalana*.

⁴³ Sweswi, eka Vagalatiya 4:27, ndzi tsakela ku hlaya Marito lawa, 4:27 ku fika eka 31, hi katsa na yona.

Hikuva ku tsariwile va ku, Titsakele, wena mhika loyi u nga velekiki; tlakusa rito u huwelela, wena loyi u nga pfumala mbeleko: hikuva vana va loyi a tshikiweke va ta tlula hi ku tala va loyi a nga ni nuna.

Loko hi ri hina, vamakwerhu, hi vana va ku tshembisa, kukotisa Isak.

Kutani enkarhini wolowo, ku kota loko la velekiweke hi nyama a xanisa loyi a nga tswariwa hi Moya, ni sweswi, swa ha ri tano.

Kambe matsalwa ma te yini? Hlongola mufuyiwa ni n'wana kwe: hikuva n'wana wa la fuyiwaka a ngaka a nga dyi ndzhaka swin'we ni n'wana wa la nga fuyiwiki.

Hikwalaho, vamakwerhu, a hi vana va mufuyiwa, kambe hi va loyi a nga fuyiwiki.

⁴⁴ Hosi a yi engeteli minkateko ya Yona eku hlayiweni ka Rito ra Yona. Sweswi, ndzi pfumela leswaku lahawani ndzi teka tsalwa tani hi leswi, ro hambana swinene, ro ka ri nga tollovelekanga. Kambe nkarhi wun'wana hi kuma Xikwembu eka ku hambana loku, eka tiawara leti nga tollovelekangiki, eka tindlela leti nga tollovelekangiki, eka swilo leswi nga tollovelekangiki, hikuva Xikwembu a xitolloveleki. Kutani hinkwavo lava hakunene va Xi tirhelaka kusuka etimbilwini ta vona, va Xi tirhela hi ndlela leyi nga tollovelekangiki, eka swilo kumbe tindlela ta misava. Tsalwa leri ri vitaniwa leswaku: *Mbewu A Yi Dyi Ndzhaka Na Xikamba*.

⁴⁵ Paul lahawani u vulavula hi ku hlayela mbewu ya Abraham ya vana vambirhi. Paul, hi ku tsaka, wa ti tisa yena hi yexe eka xiymo xa ku tswariwa hi wansati loyi o ka a nga fuyiwangiki.

⁴⁶ Sweswi, ha switiva leswaku Abraham a ri na vana vambirhi, hi vavasati vambirhi vo hambana. Xikwembu xi n'wi nyikile xitshembhiso hi Sarah, ha Sarah, kumbexana, leswaku ku ta tswariwa N'wana, nakona kuya hi N'wana loyi misava yi ta katekisiwa. Matiko hinkwavo ya ta kateka hi N'wana loyi. Nakona swi pfumeriya hinkwako, ngopfu-ngopfu exikarhi ka Mayuda, laha loyi a kuri Isak, kambe a swi ngari tano. N'wana loyi wa xitshembhiso xa Abraham i Yesu, nakona hi Yena xitshembhiso xa Mbewu ya Vuhosi, bya Abraham. Kambe Abraham kuva a ri na vana vambirhi...

⁴⁷ Un'we, hi—hi Hagar, laha akuri mutirhi wa nsati wa yena; wo rhandzeka, wo xonga, mutirhi wa Muegipta loyi

Abraham a nga n'wi teka eEgipta a n'wi tekela yena, leswaku a va...mutirhi wa xisati wa nsati wa yena. Kutani Sarah, hi ku ehleketa leswaku Xikwembu xi ngaka xi nga swikoti ku hlayisa hinkwaswo swi tshembhiso swa Xona swa ntiyiso, u byerile Abraham leswaku a teka Hagar, nhwana wa yena, kutani leswaku a titekela yena, (laha, tshengwe a ri ri enawini hi masiku lawa) leswaku a ta tswala n'wana; kutani ya leyo hi yona ndlela leyi Xikwembu xi nga yi kunguhatisa xiswona, leswaku u fanele kuva na n'wana ntsena hi Hagar. Kambe hi kuma leswaku a swi va nga tano.

⁴⁸ Sweswi ha switwisisa, nakambe, leswaku Xikwembu xi hetiseka eka swinharhu. Sweswi, Xikwembu xi “hetisekile” eka *swinharhu*. “Tintswalo” i *ntlhanu*. *Nkombo* “xo hetisela,” ku kotisa misava.

Xikwembu xi hetiseka eka Tatana, N’wana, Moya lowo Kwetsima. Sweswo i ku hetiseka ka Vukwembu bya Xikwembu. Hinkwaswo i Xikwembu xin’we, eka swikombeto swinharhu, swa swihlawulekiso swi nharhu swa hofisi yin’we, kumbe tihofisi tinharhu eka Vukwembu byin’we bya Xikwembu.

⁴⁹ Sweswi, nakambe kuna swi nharhu eka ku hetiseka, swa switepisi swa tintswalo, kuya eka Kereke; ku nga ku lulamisiwa, ku kwetsimisiwa, nkhuvulo wa Moya lowo Kwetsima. Lowu wu nga na ku Tswariwa loku Tshwa, ntsena ku kotisa ku tswariwa ka ntumbuluko ku fananisaka ha swona. Laha, loko wansati a tswala n’wana, xo sungula lexi xi rhangaka ku huma i mati, ku landzela vutomi.

Bibele yi teri, eka Yohana wo Sungula 5:7, kumbe 7:5, ndza pfumela leswaku hi yona, leyi yi nge, “Kuna swinharhu leswi hlayisaka vumbhoni eTilweni; ku nga Tatana, la nga Rito,” loyi a ri N’wana, “na Moya lowo Kwetsima; swilo leswi swinharhu i Xin’we. Kuna swinharhu leswi swi hlayisaka vumbhoni emisaveni;” ku nga Rito, “na mati, ngati, na Moya. Mati, ngati, na Moya; swilo leswi swinharhu swi *twanana* eka xin’we.”

⁵⁰ Sweswi, Tatana, N’wana, na Moya lowo Kwetsima, i Xin’we. A wu nge swikoti kuva na Tatana u nga sungulanga hi kuva na N’wana; a wu nge swikoti kuva na N’wana u ngari na Moya lowo Kwetsima. Kambe u nga ha lulamisiwa handle ka ku kwetsimisiwa; u nga ha kwetsimisiwa u nga sungulanga u tatiwa hi Moya lowo Kwetsima. Hi swi kambisisile sweswo eka ntshamiseko wa ntumbuluko.

⁵¹ Sweswi, votala va n’wina, kumbexani, ndzi nga hava ndzi chavisa eka n’wina. Nakona a—a ndzi dyondzanga; ndzi na ntiyiso wa leswaku khale mi swi twisisile. Kambe ndzi dyondzisa hi ku fananisa, tani hilaha ntumbuluko wu fananisaka swa ximoya.

⁵² Sweswi, ha swivona leswaku ku na swinharhu eka ku hetiseka. Xikwembu xi hetiseka eka swinharhu, sweswi.

Nakona sweswo akuri swona, eka ku hetiseka ka mbewu ya Abraham, a kuri Ishmael, Isak, Yesu. Ishmael u huma eka wansati loyi a nga fuyiwa, Isak u huma eka wansati loyi o ka a nga fuyiwangi, nakona havambirhi ka vona va ta hi timhaka ta masangu; kambe Kreste Yesu u ta kusuka eka wanhwana, kuri hava timhaka ta masangu.

⁵³ Lahawani, “Mbewu,” yin’we, Mbewu yin’we; ku ngari timbewu, kambe Mbewu yin’we. Leti tin’wana a ti ngari mbewu ya Abraham, hikuva “Mbewu” ya Abraham a kuri Mbewu ya ripfumelo ra yena leyi Xikwembu a xivulavula hi yona, yi ngari mbewu ya yena ya ntumbuluko. Hikuva, loko Sarah a tava a file, Abraham u teke nsati wun’wana laha a ngava na majaha ya nkombo, handle ka vanhwenyana. Swingaleswi swi ngaka swi nga endleki leswaku va ta timbewu ta Abraham, a yi ri “Mbewu” ya Abraham, yin’we. Kutani yaloye a ri Mbewu ya ripfumelo ra Abraham, yi kombetelaka eka Mbewu ya Vuhosi leyi a yi fanele yi ta hi ripfumelo ra Abraham; ku ngari vutomi bya Abraham bya ntumbuluko, kambe hi vutomi bya Abraham bya ximoya; loyi a tekaka hinkwaswo leswi hambanaka na Rito ra Xikwembu a swi vitana tani hiloko swi ngari kona, kutani a pfumela Xikwembu; leswi lwisanaka ni ku tshembha, a pfumela eka ku tshembha. Yaleylo hi yona Mbewu ya ntiyiso leyi hi vulavulaka hi yona.

⁵⁴ Lahawani hi kombisiwile hi xifaniso. Oho! Mbewu yi sungurile, mbewu ya xitshembhiso, yi sungule hi ku kanakana nyana, ku kanakana xitshembhiso xidzi. Langutani hilaha xi nga sungulela ehansi, hi ku kanakana xitshembhiso xidzi. Xikwembu xi tshembhisile Abraham, ha Sarah, kuva na n’wana loyi. Kambe sweswi hlalelani, mbewu yo sungula ya Abraham hi wansati loyi a nga fuyiwa a ta hi Sarah a ri karhi a kanakana leswaku leswi swi nga humeleta, hikuva a duyarile ni ku hundza xiyimo xo tswala.

⁵⁵ Sweswo hi leswi kereke yi nga sungurisa xiswona. Sweswo hi leswi minkarhi hinkwayo yi sungurisaka xiswona. U sungula kusukela ehansi. Awu sunguli ehenhla. Munhu u ringeta ku tlula xitepisi, u ringeta ku va wo sungula ku hatla a fika ehenhla, u ta ti tshova nhamu. U fanele ku sungula u aka eka sweswo.

Kutani lahawani hi kuma masungulo ya xitshembhiso xa Xikwembu kuva xi kombisiwa, hi ku kanakana nyana swintsongo, va kavanyeta nonganoko wa Xikwembu.

⁵⁶ Yaleylo hi yona ndlela yin’we leyi vudyoho byi nga sungurisa xiswona entangeni wa Eden. Kwalaho hilaha rifu ri nga sungurisa xiswona hi vudyoho, hilaha Rito rin’we ra Xikwembu ro ka ri nga hundzuluxiwangiki kahle kumbe kuva va kanakanile. U ngaka u nga swikoti ku kanakana kumbe kuva u ngari veki kahle Rito rin’we ra Xikwembu, sweswo HI LESWI HOSI YI SWI VULAKA, hikuva Ri fanele Rito rin’wana na rin’wana ri va tano.

⁵⁷ Kutani lahawani hi loyi Sarah, hambi loyi xitsembhiso (Sarah kuva a ri wansati, laha ku nga xifaniso xa kereke), u nyike ku kanakana eka nongonoko xidzi wa Rito ra xitsembhiso ra Xikwembu, kutani a ku, “Wena, Abraham, nuna wa mina, titekele ntombhi leyi yo saseka, kutani u hanya na yona, kutani u va nuna wa yena. Kutani Xikwembu xi ta nyika mbewu leyi ya xitsembhiso ha yena, kutani mina ndzi ta teka n’wana.” Wa vona, ntsena hi ku tsemekanya xithonsana xin’we, ku cincile nongonoko hinkwawo.

Swingaleswi, hi fanele ku teka Rito rin’wana na rin’wana ra Xikwembu tani HI LESWI HOSI YI SWI VULAKA. Rito rin’wana na rin’wana ra Xikwembu ri ntiyiso.

⁵⁸ Hi leyi mbewu yi sungulaka hi xitsembhiso, yi kanakana nyana. Isak a va a ri mbewu ya wansati loyi a tsembhisiweke loyi a nga fuyiwangiki, a tswariwa, tani hilaha Paul a ringetaka ku hlamusela lahawani eka Vagalatiya, u tswarile wa ntumbuluko, mbewu leyi nga tsembhisiwa. Nakona u yile emahlweni a vula lahawani leswaku eka—eka n’wana wa wansati loyi a nga fuyiwa a ngaka a nga dyi ndzhaka na n’wana wa wansati loyi o ka a nga fuyiwangiki, hikuva i va swiave swimbirhi leswi hambaneke.

⁵⁹ Kutani, walowo i ntiyiso, loyi o ka a ngari mupfumeri a ngaka a nga dyi ndzhaka na mupfumeri. Swingaka swi nga endleki, eka hinkwaswo. Hilaha khombo ri nga kona namunthla. A wu nge swikoti ku endla huku ya dinominexini leswaku yi pfumela na gama. Ntsena a wu nge swikoti. Hilaha khombo ri humaka kona. U fanele ku pfumela Rito rin’wana na rin’wana ra Xikwembu. Mo va ntsena... A mi va dya-ndzhaka kun’we. Ni loko u nga—u nga joyinana na yona; u ngaka u nga swi endli. U fanele kuva gama kumbe huku.

⁶⁰ Yi ngaka yi nga dyi ndzhaka na Ishmael, mbewu ya wansati la nga fuyiwa, ya...hikokwalaho ka ku kanakana. Sarah u kanakanile Rito ra Xikwembu, leri Xikwembu xi kotaka ku Ri hlaysia. Lemukani Abraham! Ma ku vona laha ndzi akaka kona ndzi akela mixo wa Sonto. Abraham a nga xi kanakananga. I Sarah a nga xi kanakana; hi yena. A hi Adam loyi a ri kanakaneke; a kuri Evha loyi a ri kanakaneke. Swingaleswi, kutani, hi ta kuma swo tala ha leswi loko ha ha ta swi teka hi Sonto na mixo.

⁶¹ Hambi ya ximoya yi nga hava...ya ntumbuluko yi nga ha dya ndzhaka ni ya ximoya. Swingaka swi nga ha endleki leswaku vana va Ishmael va va vadya ndzhaka na—na vana va Isak, nakona swingaka swi nga endleki leswaku swa nyama swi nga dya ndzhaka na swa ximoya.

⁶² Kereke ya ntumbuluko; na Kereke ya ximoya. Ku na kereke ya ntumbuluko laha vavasati lava nga lahawani va yi fananisaka; nakona ku na Kereke ya ximoya, nakambe. Swingaleswi, kereke

ya ntumbuluko na Kereke ya ximoya ti nga ngaka ti nga dyi ndzhaka kun'we. Ti hambanile ha timbirhi, minkarhi leyi nga avana; timbirhi to hambana, vanhu lava va nga avana; ehansi ka ku hambana ku mbirhi, mintwanano yo hambana.

⁶³ Ya leyo hi yona mhaka ku Vutliwa ku hambaneke, nakona ku tava ntsena kuri ka Mbewu ya vuhosи bya Abraham. Ku ngaka ku ngati hi ntumbuluko, mbewu ya xinyama ya kereke. Ku fanele kuva hi Mbewu ya vuhosи bya Rito ra Xikwembu, ha Abraham, a nga Mbewu ya vuhosи. Hi swona sweswo swi endlaka leswaku ku Vutliwa kuva ko sungula.

Hikuva, tsundzukani, "Hina lava hi hanyaka hi nga sala hi ngaka hi nga rhangeli, hi ngaka hi nga rhangeli lava va nga etlela. Hikuva mhalamhala ya Xikwembu yi ta twala, lava feleke eka Kreste va ta rhanga va pfuka. Hina lava hi hanyaka hi nga sala hi ta hlangana na vona empfhukeni, kun'we, kutani hi hlangana na Hosi empfhukeni." Xiyisisani, nakambe ku tsariwile, "Vafi hinkwavo va ngaka va nga hanyi, ku ringana gidi ra malembe."

⁶⁴ Swingaleswi, kwalahaya, va ngaka va nga dyi ndzhaka kun'we. Vangaka va nga Vutleriwi kun'we. Hakunene ku na kereke ya ntumbuluko, na Kereke ya ximoya; kereke ya nyama, na Kereke ya ximoya. Swingaleswi, wa vona, lahawani ku hava . . .

⁶⁵ Ku hava ku Avanyisiwa eka va vuhosи, bya ximoya, Mbewu leyi nga ranga hi ku hlawuriwa ya Abraham, hikuva va rhange hi kuva vahlawuleriwile Vutomi lebyi nga Heriki. Va amukerile Xitlhavelo lexi nga nyika hi Xikwembu; kutani Xitlhavelo xexo, laha a ri Kreste, a nga Rito.

"Kutani a ka ha ri na ku avanyisiwa." Mukwetsimi Yohana 5:24, loko mi lava Matsalwa. "Swingaleswi a ka ha ri na ku avanyisiwa eka lava va nga eka Kreste Yesu," Varhoma 8:1, "lava va nga fambiki hi ku navela ka nyama, kambe hi Moya," eka Varhoma. 5:24, "Loyi a *yingisaka* Rito ra Mina," rito lahaya i, "ku twisia." Xidakwa xin'wana na xin'wana, nchumu wun'wana na wun'wana, wu nga ha Ri twa wu tlhela wu fambela ekule. "Kambe loyi a yingisaka Rito ra Mina, loyi a twisia Rito ra Mina, kutani a pfumela eka Loyi a Ndzi rhumeke, u na Vutomi lebyi nga heriki, kutani a ngaka a nga Avanyisiwi; kambe u hundzile eka rifu kuya eVuton'wini." Ina, nkulukumba.

Loyi a tivisaka xihundla lexi lexikulu xa Xikwembu, a twisia, hilaha Xikwembu a xi ri eka Kreste xi ri karhi xi rivalela misava xona hi Xoxe, hilaha Yena na Tatana va nga Un'we hakona, hilaha swihundla sweswo leswikulu swa ku hetisia ka ku teka ka Xikwembu ni kuva a ti tisa yena hi Yexe, a tikombisa eka xiyimo xa swivumbiwa swa ximunhu, nale ka nkarhalo wa swivumbiwa swa ximunhu, kutani nale ka ntawa wa swivumbiwa swa ximunhu; ku endlela leswaku

Rito ra Yena ri kombisiwa esikwini, evuxeni laha ku humaka dyambu, ni ku endla swo fana tani hiloko dyambu ripela evupela dyambu, leswaku a ti tivisa yena hi Yexe eka Kereke ya Mutekiwa, Rito ri tikombisile. Wa vona? Ri tava tano, na rona. “Loyi a twisisaka,” laha ku nga, “ku tiva, leswi swi nga paluxeriwela yena, Yena loyi a Ndzi rhumeke, u na Vutomi lebyi nga heriki, nakona a ngaka a nga Avanyisiwi; kambe u hundzile eka rifu a ya eVuton’wini.”

⁶⁶ Mbewu ya ntumbuluko yo va ntsena leyi yi nga rhwala ya ximoya, Mbewu. Ku kotisa rimhandzi, xichocho, na xikamba. Hi tshame hi nghena eka swona, eka Hungu rin’wana, kambe ndzi tsakela ku swikombisa nyana, eka yona, kumbe ku tlhelela endzhaku eka yona nakambe ntsena xinkadyana.

⁶⁷ Sweswi lahawani ku na swigava swinharhu swa mbewu, swi hi kombisa xifaniso xa ntiyiso, swigava swinharhu swa mbewu ya ntumbuluko emisaveni. Ku kotisa mbewu loko yi byariwile, yi humesa rimhandi, ku hlometela xihluke lexi humaka eka rona; ku landzela xichocho, ku landzela vuluva bya kona lebyi byi nembelelaka eka xona; kutani ku landzela xikamba; ku landzela mbewu nakambe.

⁶⁸ Hlalelani swigava swa ku hetiseka ka xifaniso lexi nga lahawani, ni hilaha xi tirhisaka xiswona kusuka eka xifaniso, hikuva Xikwembu i Mutsari wa ntumbuluko hinkawawo. Swingaleswi ntumbuluko wu ngaka wu nga hluleki handle ka loko Xikwembu xi nga hluleka, hikuva hi Xona Lexi Xi nga veka swilo eka xiyimo xa swona leswaku—leswaku hi languta eka swona hi vona.

⁶⁹ Lemukani Hagar, wa ri mhandi, laha a ku ri masungulo yo sungula ya Mbewu loko yi mila. Sweswi, a yi kalanga yi languteka yi fana na Mbewu. A yi ri mhandi, hikuva a ri wansati loyi a nga fuyiwa, a ngari eka xitshembhiso; ku hava lexi a ta xi endla hi Rito, ntsena xifambisi xa Mbewu.

⁷⁰ Lemukani Sarah, xichocho lexi a xi ri na vuluva bya kona, laha tiko ra Mayuda ri humaka eka yena. Kusuka, eka Sarah, ku tswariwile Isak; ha Isak, ku tswariwa Yakob; Yakob a tswala vapatriarka; kutani hi vapatriarka, ku tswariwa tiko.

⁷¹ Maria, wanhwana wa ripfumelo, u tswarile ya ntiyiso, Mbewu ya Rito ya ximoya leyi nga endliwa nyama. Wa vona?

Vavasati vanharhu, vavasati vanharhu lava a va rhwele Mbewu leyi. Un’we wa vona kahleakahle a ri muoswi, ehansi ka tshengwe; wa vumbirhi a ri wansati wo ka a nga fuyiwangiki; kutani wa vunharhu a nga kalanga a va na timhaka ta masangu eka hinkwaswo, kambe hi ripfumelo u pfumerile Rito ra Xikwembu. Hagar, Sarah, havumbirhi Sarah na Hagar, a vari va timhaka ta masangu; kambe Maria a ri wanhwana loyi a nga tivi wanuna, hi matimba ya Rito leri nga tshembhisiwa ra Xikwembu. Hi swona sweswo.

⁷² Rimhandi, Hagar (vasati vambirhi), va kanakanile xitshembhiso, kambe langutani leswaku sweswo swi tise yini. Loko Hagar, nsati wavumbirhi wa Abraham, loyi hi ku hetiseka a ri nsati wa xigangu, kambe u tswarile wanuna, kambe (a ri muxaka wihi wa wanuna?) Bibele yi teri a ri “munhu wa nhova.” A hanya hi vurha, kutani a kuri hava munhu loyi a nga n’wi hlulaka. A nga Lerhiseki a nga ncinceki, a nga hundzuki. A nga ta lerhisawa. A ri munhu wa nhova, hikuva a ri loyi a hambana na Rito ra Xikwembu.

Kutani hinkwaswo leswi hambanaka; muchumayeri un’wana na un’wana, xirho xin’wana na xin’wana lexi nga ti nyiketela, kereke yin’wana na yin’wana, leswi swi hambanaka na Rito ra Xikwembu; swi ta tswala nhova, ntlawa lowu wu nga hungukiwa wa misava ya Hollywood, nakona va ngaka va nga tshami na Rito leri nga hungikiwangiki, hikuva a swi katsiwanga hambi ku ri ku katsiwa eka xitshembhiso. Ee.

⁷³ Sarah, nsati wa ntiyiso wa xitshembhiso, a va a ri xichocho, a tswala jingha ya wanuna. Hi ku tlherisela, u tswarile tiko ra xitshembhiso leri ri nga tirhela Xikwembu. [Thonsi leri ngariki na nchumu eka thepi—Muhleri.]

Kambe, Maria, ku ngari hi timhaka ta masangu, kambe u pfumerile Rito ra xitshembhiso; loko a ha ri wanhwana, loyi a nga tiviki wanuna. Kutani Ntsumi ya Hosi yi hlanganile na yena, yi ku, “Xewani, Maria, u katekile exikarhi ka vavasati, hikuva Xikwembu xi na wena.”

⁷⁴ Kutani a ku, “Xana swilo leswi swi ta endlekisa ku yini?” Yi... A vula tano.

⁷⁵ Ntsumi yi ku, “Moya lowo Kwetsima wu ta ku xurhisa.”

⁷⁶ A swi nga se tshama swi humelela eka tinguva hinkwato, kambe Maria a pfumela eka Xikwembu. Kutani a ku, “Vona ndzi nandza wa Hosi.” A pfumela Rito.

Xana a ta xurha njhani? A switiva leswaku Hagar u na n’wana hi ntsakelo wa timhaka ta masangu, na Abraham; na Sarah u vile na n’wana hi ntsakelo wa timhaka ta masangu, na Abraham, vana va switshembhiso; hi wansati loyi a nga fuyiwa na wansati loyi o ka a nga fuyiwangiki. Kambe lahawani u komberiwa ku pfumela. Sweswo i ku hoxa xandla eka ripfumelo leri a ri ri eka Abraham, loyi a pfumela leswi swoka swi nga endlekiki, “Ntsena tani hiloko Xikwembu xi swi vurise xisweswo, sweswo swi swi endla swi va kahle.”

⁷⁷ U pfumerile Xikwembu, a nga kalanga a vutisa nchumu. U teri, “Vona ndzi nandza wa Hosi. A swi na mhaka ni leswaku swisolo switele ku fika kwihi leswi ndzi faneleke ku swi rhwala kusuka emisaveni, a swive eka mina ku ya hi Rito ra Wena.” Kwalahaya ku tswariwile Mbewu xidzi.

⁷⁸ Sarah a nga ta swikota ku swi endla, hikuva a kuri hi timhaka ta masangu. Sweswo hi swona. Hambi Sarah na yena a nga ta swikota, hikuva a kuri timhaka ta masangu.

Na kereke yi ngaka yi nga swikoti, ehansi ka komiti ya vukhongeri! Swi teka ripfumelo ra wanhwana ku pfumela Rito ra Xikwembu leswaku ri endla xitshembhiso, ku tswala vana. Komiti ya vukhongeri yi ngaka yi nga tswali Kereke leyi nga tswariwa ra vumbirhi. Yi ngaka yi nga swikoti. Yi ta tisa swin'wana ematshan'wini ya swin'wana. Yi ta tisa swin'wana, swin'wana swa leswi swi Ri encenyetaka, swin'wana leswi swi ringetaka ku fana na Rona.

Kambe ya xiviri, Kereke ya Xikwembu leyi nga tswariwa ravumbirhi yi pfumela Rito ra Xikwembu exikandzeni xa hinkwaswo, swi nga ri na mhaka ni leswaku i yini, hikuva a ri hungukiwanga. Ri hi xitshembhiso xa Xikwembu xa ku ta ka swilo leswi.

⁷⁹ Maria, un'wana wa ntiyiso, a ku, hi...-ku ngari hi timhaka ta masangu, a ku, "A swi endleki eka mina ku ya hi Rito ra Wena. Vona ndzi nandza wa Wena!"

Kutani u tswarile. Xana u tswarile yini xana? Ku ngari munhu wa nhova; ku ngari tiko. Kambe u tswarile Rito, Xikwembu hi Xoxe xi tikombisile enyameni; amen, Mbewu ya ntiyiso ya Xikwembu leyi yi kombiseke xitshembhiso xin'wana na xin'wana xa leswi Xikwembu xi nga swi endla eBibeleni; handle ka Xona, ku hava munhu loyi a nga hanyaka loko a ngari na Xona.

⁸⁰ A ri wa mbewu ya ntiyiso, a ri endzhaku ka xi-... a ri xikamba lexi xi nga tswala Ndoho. Sweswi, lava mbirhi a va rhwarile Vutomi, ntsena tani hi mbewu ya ntumbuluko. Maria... Sweswi, tsundzukani, ndzi teri lava n'wana vambirhi... Sweswi, Maria, mi nga n'wi endli Xikwembu, tani hilaha vanhu va n'wana va ringetaka ku n'wi endla tano. A ngari xikwembu. Ee, nkulukumba. A ri ntsena murhwali wa Mbewu, ku kotisa hilaha lava n'wana a va ri hakona; kambe, ku kotisa ripfumelo eka Rito, ri tisa swo tala eka xiymo xa xiviri.

⁸¹ Ku kotisa loko vele ri yupfa, kumbe koroni. Yi humelela, hi rimhandi; kutani ku humelela, xichocho; kutani ku humelela, xikamba. Kambe loko miehleketa, leswaku xikamba xexo, loko mi nga xi hlaleli, xi ta languteka xi fana swinene na koroni ya ntiyiso. Kambe loko xi tava xi tlhorhiwile, koroni ya ntiyiso yile ndzeni. Xova ntsena xirhwali, nakambe.

⁸² Swingaleswi, ma swi vona, Maria, ku ngari ku ya hi timhaka ta masangu, kambe ku ya hi ripfumelo; swin'wana swo kotisa Yona. Maria a ngari yona Mbewu ya leyo. Maria a ri xirhwali xa Mbewu.

A ri wa xiviri, Mbewu ya ripfumelo, hikuva Rito ra Xikwembu ri hi ripfumelo leri Xi nga ri nyika Abraham. Nakona ntsena i ripfumelo leri nga tswalaka leswi Xikwembu xi nge Xi ta swi endla; ripfumelo eka Rito ra Xona.

⁸³ Lemukani hilaha swi nga tala ha kona swo fana na Nchumu wa xiviri, Maria a ri tano, kambe a kotisa xikamba. Xikamba xi haka mbewu endzeni xona hi xoxe kutani xi yi sirhelela, kutani xi yi hlayisa ku kondza laha yi ti yimelaka, yi vupfa. Swi tano nale ka nguva leyi ya vunharhu ya kereke (ya Pentekost) yi vupfile, yi khomelerile Ndoho ku fikela laha ku nga nkarhi wa xona xikamba leswaku xi yi pfula. Maria, kuva a ri manana wa Kreste, o va ntsena mufumbarheli.

A ngari na ngati ya Maria; A ngari na ngati ya Xiyuda; A ngari na ngati ya Vamatiko. A ri Ngati ya Xikwembu. Xikwembu hi xona xi nga tumbuluxa Ngati leyi. A yi nga tava hi timhaka ta masangu. A ngari Muyuda kumbe wa Matiko.

⁸⁴ N'wana a nga na nchumu xa ngati ya manana. Ngati yi huma eka tatana. Ha switiva leswaku hemoglobin yile ka xinuna.

Ku kotisa huku, yi nga ha tshikela tandza, mbhaha wu nga ha swi endla; kambe loko wu nga hlangananga na xinyenyana xa xinuna, ku nga nkuku, wu ngaka wu nga tlhotlhorhi. A ri nonisiwanga, hambi loko ri languteka ku kotisa tandza leri nga nonisiwa. Ntumbuluko wun'wana na wun'wana wa rona wu languteka wu fana, kambe a ri na vutomi eka rona.

⁸⁵ Swi hi ndlela ya leyo na vanhu lava va ti vulaka va Kreste. Votala va vona va languteka tani hi Vakreste, va ringeta kuva na maendlelo ya Vakreste; kambe mi fanele kuva na Kreste endzeni ka n'wina, laha ku nga Rito leri nga kombisiwa, kumbe ri ngaka ri nga vupfi eka Mukreste wa ntiyiso loyi a pfumelaka Bibele. Minkarhi hinkwayo Ri ta tshama ri ri swin'wana swa dinominexini. Ri ngaka ri nga hanyi, hikuva ku hava Vutomi eka rona, byo hanya hi byona.

Tandza ri ngaka ri nga tlhotlhorhi, ri ta bolela exisakeni, loko hi leswaku a wu vanga na—na xinyenyana xa xinuna.

⁸⁶ Ntsena ku kotisa swirho swa kereke. U nga ha vambuwetela ni ku va thya, u va endla madiyakoni na swin'wana, kambe va ta...wo va na xisaka lexi xi nga tala hi matandza yo bola handle kaloko ya ve na xinakulobye na Nakulobye. Hi swona sweswo.

⁸⁷ Xirhwali, xikamba, xa Yi vupfisa. Hi swona sweswo. Swi tano, hi swona sweswo, Mbewu yona hi Yoxe, yi fanele ku tshika xikamba, kumbe xikamba xi fanele ku tshika Mbewu, leswaku Mbewu yi kumeka Evukoneni bya N'wana, leswaku Yi kota ku vupfa. Hinkwaswo swile ka xifananiso, ha swi vona.

⁸⁸ Ma swi vona lahawani hilaha yi nga ekusuhi ha kona, kereke ya masiku lawa yo hetelela, yi ta fanela ku languteka ku kota Mbewu hi Yoxe. Langutani hilaha Pentekost leyi ya dinominexini leyi yi pfukeke emasikwini yo hetelela, kutani hi ta swi hlamusela swi ntsongo endzhaku nyana, wa vona, hilaha va tshunelelaka ha kona va va ekusuhi swinene ku ta languteka ntsena ku kotisa Mbewu.

Loko xikamba xi humelela na ndoho ya koroni...kumbe xihluke xa koroni, endzhaku ka loko vuluva bya kona byi zuzekele kwalahaya eka xiyimo xin'wana xa vumbirhi, ni ku humesa xiyimo xa vunharhu laha ku nga—nga—nga xikamba. Ni hilaha sweswo...Loko u ngari muxiyisisi wa ntayiso, a wu nge swikoti ku vula handle ka ndoho ya leyo ya ntayiso yi nga kwalahaya. Loko xindohwani xexo xi ta humelela, yi languteka tani hi ndoho, kambe loko u tshama ehansi u yi tlhorhela kutani u ta kuma leswaku ku hava ndoho kwalahaya. Kova ntsena xikamba, xi rhwali xa ndoho. Sweswi, ndoho yi huma eka xona xexo. Kambe tsundzukani, a ka ha ri na nchumu endzhaku ka xikamba.

Tsundzukani, a ka hari na Mbewu yin'wana yi nga tshembhisawa hi wansati, ku n'wana, endzhaku ka Maria. Nakona ka ha ri hava tidinominexini leti ti nga tshembhisawa leswaku ti tava kona endzhaku ka Pentekost. Kova ku Vutleriwa na Mutekiwa swi humaka kusuka kwalahaya, ku nga Mbewu, Rito ra tikombisa nakambe.

⁸⁹ Lemukani, ma swi vona leswaku swi languteka swi ri ekusuhi njhani. Matewu u teri, Mukwetsimi Matewu 24:24, u teri, leswaku, "Mimoya yi mbirhi emasikwini yo hetelela," moyo wa kereke wa vanhu va kereke, na Moya wa Mutekiwa wa vanhu lava nga Mutekiwa, "yi tava ekusuhi swinene ku fikela laha yi nga hambukisaka na vona Vahlawuriwa loko swi nga koteke." Sweswo hi swona kuva ekusuhi.

⁹⁰ Langutani hilaha yi taka ha kona hi rimhandi. Sweswi lemukani, hi ya fananisa swin'wana lahawani.

Luther, eka nguva ya kereke, ya ku tisa Mbewu ya Mutekiwa, a yi fana eMoyeni. Ntsena xindohwani xin'we xa Mbewu, Luther u humile a yima, sweswo a kuri ku lulamisiwa hi ripfumelo. A ri wa muxaka wun'we na Hagar, ku nga rimhandi.

Lemukani, Wesley a ri xifaniso xa Sarah, wa Mufiladelfiya, nguva ya rirhandzu leyi yi nga tswala xichocho. Leswaku eka nguva ya Wesley, a ku ri na timixinari to tala ku tlula tinguva tin'wana leti hi ngava na tona, nguva leyikulu ya mixinari ya nkarhi wa John Wesley.

⁹¹ Kambe Pentekost a yi yimela Maria. Maria, ku nga xigava xo hetelela xa Yona, sweswi, a nga ri Mbewu. Ambi swi ri tano, Vutomi bya Mbewu a byi ri eka yena, kambe a Yi nga se

vupfa hambi swi ri tano. Ndzi titwa ndzi kateka. Votala va na mbewu, kambe, wa vona, a Yi se vupfa hambi swi ri tano. A Yi ri kona kwalahaya, kambe a Yi nga vupfanga.

Swingaleswi swi tano na nguva ya hina ya Pentekostal ley hi hanyaka eka yona! Ku fanele ku humeleta Rito ra—ra Xikwembu leri ri nga endzeni, leri nga riki ra xidinominexini, leri ri nga ehandle ka rifumu ra dinominexini ya leyo.

⁹² Luther u yile a ya tlhorhela hi rito ra yena ro sungula, “Lavo lulama va ta hanya hi ku pfumela.” Wesley a va na marito mambirhi, “ku kwetsimisiwa,” ntirho wa vumbirhi ku nga ku hlamusela ntirho wa tintswalo. Pentekosta a yi ri na rito ra vunharhu, “ku nga ku vuyisela ka tinyiko.” Kambe Mbewu ya khale yi fanelka ku rhanga! Ma ku vona hilaha va nga tikondletela ha kona eka rito rin’we, nale ka rito rin’wana, nale ka rito rin’wana?

Kambe ku fanele ku va na Swin’wana leswi swi nga taka swi nga kondleteleki; i Vutomi bya khale lebyi byi nga kwalahaya, byi fanelaka ku ti humesa byona hi Byoxe nakambe eka Mutekiwa. Ka ha ri hava tinguva tin’wana ta kereke endzhaku ka ley. Hi le makun’wini, vabuti na vasesi. Hi kona. Hi fikile. A ku khensiwe Xikwembu! Amen. Sweswi, ha swi vona swilo leswi swi ntiyiso ntsena hilaha swi ngavaka hakona.

⁹³ Hambi swi ri tano ha lemuka, kutani, loko a ri xichocho, kumbe... Wesley kuva a ri xichocho; Pentekosta yi ri xikamba, laha ku nga xin’wana xigava lexi xi landzelaka xa ku humeleta ka Ndoho. Kambe, buti, sesi, rimhandi a hi Ndoho, hambi ku ri xichocho a hi Ndoho, hambi kuri xikamba a hi Ndoho; hambi swi ri tano, nkarhi wun’wana na wun’wana loko yi vupfa, yi languteka yi fana swinene na Ndoho.

⁹⁴ Rimhandi a ri languteki ku kotisa ndoho. Kutani ku landzela yini? Tasele, ku ta xirhendzevutani nyana; xi languteka xi fana swinene na ndoho tani hi—hilaha xihluke xi swi endlisaka xiswona. Xana ku landzela yini? Xikamba; xikhomelele ndoho, xi hlayisa ndoho.

⁹⁵ Sweswi a hi languteni endzhaku lahawani eka xitshembhiso xa Xikwembu eka Abraham, xa “Mbewu ya wena,” ku vulavuriwa hi ximoya. Un’wana na un’wana wa hina wa switiva sweswo. A Xi vulavula hi Kreste, ku ngari Isak; kuya hi Mbewu ya yena ya ripfumelo.

⁹⁶ Lemukani, yo sungula a yi ri ya wansati loyi a fuyiweke, a kuna lexi xi nga languteka xi ri xa xitshembhiso. Xikwembu a xi nge tlherisi Rito ra Xona xi nga tlheriseli munhu. Xikwembu xi vule hilaha yi nga ta tisa xiswona, kutani hi ndlela ya leyo yi ta tisa xiswona. Kambe, Sarah, tani hiloko a ri muyimeri wa kereke, xifananiso xa kereke, yona (wansati) yi kumeka kwalahaya, laha a nge, “Kunene, ndza swipfumela

leswi swo va xi endlekalo lexi ntsongo na xona. Ndzi ngaka ndzi nga pfumeli hambi kuri ku pfumela eka sweswo, swingaleswi famba u ya ti tekela Hagar leswaku a va nsati wa wena.” Wa vona, kwalahaya, rimhandi lero a ri nga languteki ku kotisa xitshembhiso, eka hinkwaswo.

Kambe loko Sarah a ta humelela, sweswi, sweswo a swi languteka swi sasekile ngopfu. Hinkwaswo swi languteka swi fana swinene na xitshembhiso lahaya, kambe hambi swi ri tano a ku ngari xitshembhiso xa xiviri. Hikuva, Israel, eka Isak, ri hlulekile ni ku ala Mbewu ya xiviri loko Yi humelela. Haleluya! (Mi ngavi na nyanyuko; mi nga tsutsumi. Sweswo a swi nga mivavisi.) Ri arile Mbewu, ri N’wi vamba, kutani ri N’wi hinga exihambanweni!

⁹⁷ Ntsena ku kotisa Paul a vuleke lahawani, “Xana a hi—hi mbewu ya—ya wansati loyi a nga fuyiwangiki...kumbe wansati loyi a nga fuyiwa a xaniseke Mbewu ya wansati loyi o ka a nga fuyiwangi xana?”

Kutani swi tano nale ka mbewu ya dinominexini yi xanisa Ndoho ya xiviri. Minkarhi hinkwayo swi kumeka swi ri hi ndlela ya leyo. Va ngaka va nga dyi ndzhaka kun’we. A va fabelani. Hakunene va switshembhiso swimbirhi leswi hambaneke, minkarhi yi mbirhi yo hambana, vanhu vambirhi vo hambana, kun’we. Un’we u va Mutekiwa, kutani loyi un’wana i kereke. A kuna nxaxameto, eka hinkwavo, na vona.

⁹⁸ Hambi swi ri tano a hi vona Mbewu leyi yi nga tshembhiswa ku ta. Hambi a ri Sarah, hambi a ri... Nakona hambi a ri Hagar, hambi leswi Sarah a ri xiswona, kumbe—kumbe hambi a ri Maria, leswaku a ri Mbewu.

Maria a ngari Mbewu. A ri xirhwali xa Mbewu, kambe u yi hlaysile, a yi tisa yi huma exivelekelweni xa yena. Ntsena ku kotisa xikamba, yi tisiwa yi huma eka xivelekelo xa Mbewu ya xiviri, kambe xikamba a hi Mbewu. Xo va ntsena...Xova ekusuhi na Mbewu. Xi fumbarherile Mbewu.

Ku tlhelela endzhaku eka rimhandi, vutomi bya hangalaka na rimhandi. Kutani loko byi fika eka vuluva bya kona, byi hlengeletana kun’we ekusuhi. Kambe loko byi fika eka xikamba, byi kwalahaya byi kotisa mbewu, byi tivumba ku kotisa mbewu.

Yesu u hi byerile hi leswi swi nga tava xiswona hi siku ro hetelela, “Kuva ekusuhi swinene ku fikela laha swi nga hambukisaka Vahlawuriwa loko swi nga koteka,” kambe Mbewu yi ta yi huma kwalahaya. Kutani xikamba, Vutomi byi siya xikamba. Nakona xikamba xo va xirhwali, kutani ntsena sweswo hi leswi tidinominexini ta hina ti nga xiswona, tova xirhwali; Luther, Wesley, Pentekostals. Kutani sweswi i nkarhi wa Mbewu leswaku yi humelela. Lemukani, lemukani, ntsena...

⁹⁹ A ngari Mbewu. A ngari yona Maria. O va ntsena xikamba, xichocho, na rimhandi, swilo rhwala xiphemu xa Rito, ku ngari Rito hinkwaro! Luther a ri na kululamisiwa; Wesley a ri na ku kwetsimisiwa; Mapentekostal a ya ri na ku vuyelerisiwa ka tinyiko. Kambe loko Rito ri fika . . .

Sweswi, va nga ha swihumesa sweswo, leswaku, kululamisiwa ku ta ponisa munhu. Ma swi pfumela xana? Hakunene, rova ntsena xirhwali xa Rito, ntsena ku kotisa tani hiloko ndzi pfumela leswaku rimhandi i xiphemu xa koroni. Hakunene, ri tano, kambe ro va xirhwali. A ri na Vutomi.

Kutani ku landzela ku kwetsimisiwa. I vangani lava va pfumelaka eka ku kwetsimisiwa? Ma yi pfumela Bibele, mi fanerile. Hakunene. Hambi swi ri tano sweswo a swi tano; swo yelana nyana swintsongo; ya lawa yo va ntsena marito mambirhi.

Kutani ku landzela Pentekost, ku vuyelerisiwa ka tinyiko. Ku vulavula hi tindzimi, va swi vitana vumbhoni byo sungula bya Moya lowo Kwetsima. Ku vulavula hi tindzimi, kwalahaya, va swi vitana vumbhoni byo sungula, lebyi byi tisaka (yini xana?) xikamba, kambe va ti kondleterile.

Kambe loko mi ta vula leswaku, “Mina na Tatana wa Mina hi Un’we,” na swilo leswin’wana, kutani xikamba xa tisusa eka Yona. Kambe wa ntiiyiso, Mutekiwa wa xiviri wa Kereke u ta tisa Rito ra khale ra Xikwembu, hi ku hetiseka ka Rona na ntamu wa Rona, hikuva hi Yena tolo, namuntlha, ni hilaha ku nga heriki.

Lemukani, exivelekelweni xa Maria a kuri na Mbewu.

¹⁰⁰ Kambe loko Mbewu yi tava yi tswariwile, Yi teri, “Ndzi tile ku ta tirha ku rhandza ka Yena loyi a Ndzi rhumeke. Mina na Tatana wa Mina hi Un’we. Loko Ndzi nga yi tirhi mintirho ya Yena, mi nga Ndzi pfumeri.” Kwalahaya a kuri Mbewu. “I mani eka n’wina loyi a nga Ndzi avanyisaka hi ku ka ndzi nga pfumeli xana? Leswi Bibele yi nga swi tshembhisa leswaku Ndzi ta swi endla, Ndzi swi endlile. Xikwembu xi swi kambisisile sweswo ha Mina,” A vula tano. “I mani loyi a nga ta Ndzi byela sweswi?” Wa vona?

Kambe, Mbewu ley—leyi a yi ri eka Maria, loyi a ri xikamba, a yi ri ekusuhi ni kuva Yona, kambe a yi ngari yona. A Ya hari exivelekelweni.

¹⁰¹ Lemukani, nakona eka nguva ya Pentekostal. Hi nguva ya Lutheran, ni hi nguva ya Wesley, a swi ri leswi swi fanaka eka nguva ley ya Pentekostal.

Sweswi lemukani. Kambe eku pfuriweni ka Swilemo swa Nkombo, Nhlavutelo 10, Rito leri hetisekeke ri fanele ku tswariwa leswaku ri kombisiwa nakambe, ni kuva ri tiyisisiwa hi Moya wa Xikwembu, hi ntamu lowu wu hetisekeke tani

hilaha a ri Ri ha kona loko A ha ri lahawani emisaveni; ri ti kombisa hi ndlela yin'we, Ri endla swo fana ni leswi ri swi endleke loko Ra ha ri kona lahawani emisaveni. Amen! Vaheveru 13:8, yi teri, "Yesu Kreste wa ha ri yena wa tolo, namunthla, ni hilaha ku nga heriki."

Eka Mukwetsimi Luka 17:30, Yesu u teri, "Emasikwini yo hetelela, tani hilaha a swi ri ha kona emasikwini ya Sodoma, loko N'wana wa munhu a ta ti paluxa yena hi Yexe nakambe, swi tava leswi swi fanaka."

¹⁰² Misava yile ka xiyimo xa Sodoma. Kutani na kereke yi nghene eSodoma, na byona, ku kotisa Lot na nsati wa yena.

Nakona ndzi vula leswaku ku na Kereke leyи nga Hlawuriwa kun'wana eka misava leyи, leyи yi tihumesaka ni ku tiveka etlhelo kusuka eka swilo leswi, kutani na ku tikombisa ka Xikwembu ku kokile rinoko ra Yona. Hi le masikwini yo hetelela.

¹⁰³ Xikamba xi nyike Ntamу wa xona eka Mbewu. Yi humela ehandle; a xi ri xikamba xa kahle, kambe xi tirhele nkarhi wa xona. Wa vona, i Rito ra Mutekiwa ra Rito ra Muteki!

¹⁰⁴ Mbewu ya ntumbuluko ya Abraham, ya Isak, na Yakob, na... Kumbe, mbewu ya ntumbuluko, kumbexani, ya Ishmael, mbewu ya ntumbuluko ya Isak, ni kuya emahlweni, yi fanele ku ya emisaveni, leswaku yi—yi ta kota ku tisa leyin'wana leyи, yi tisa Yesu.

Kutani switano nale ka hinkwato letin'wana, mbewu yi fanele ku oma...ndzi vula leswaku, swikamba swi ta fanela ku oma, na xichocho xi fanela ku oma, kutani hinkwaswo swi fa, leswaku Mbewu yi kota ku ti tswala yona hi Yoxe. Yaleyo hi yona ndlela leyи a yi ri xiswona eka nguva yin'wana na yin'wana.

¹⁰⁵ Tidinominexini a tiri swirhwali swa xiphemu xa Yona, xiphemu laha ku nga Rito, hikuva a switumbetiwile eka titlharhi ta tirhifoma, kumbe...swilemeriwile swi va ekule na vona, ku fikela laha ku humelelaka nguva ya Magama. Bibele yi vule tano. Ina, nkulukumba. Hikuva, hi tshembhisiwile sweswo eka Malakiya 4. Hakunene, hi tano.

"U Ri tumbetile ku suka eka mahlo ya tintlharhi ni lava mano."

¹⁰⁶ Tani hilaha hi ngheneke eka Buku ya Nhlavutelo, hi kuma leswaku hinkwaswo, hinkwabyo vunharhu bya varhumiwa lava bya swivandzana leswi swi nga ya emahlweni; xin'wana na xin'wana xi ringanerile Luther kahle, xin'wana na xin'wana xi tshamile kahle eka un'wana, laha ku nga rhole na swiharhi swo hambana swa Bibele; va yile emahlweni ni ku lulamisiwa, ku kwetsimisiwa, hambi ku ya eka Mapentekostal. Kambe xa vumune a xi ri gama, hi swona sweswo, kutani

eka nguva ya leyo Xikwembu xi Yi pfuxile. Swingaleswi swi fanele ku ta hi nguva ya leyo leswaku swi tava kahle, ina, nkulukumba, xitshembhiso xa gama xi va xi hetisekile xa—xa Malakiya 4.

¹⁰⁷ Yesu a ngari wa Maria, kambe u te hi Maria, ku kotisa Vutomi lebyi nga eka xikamba.

¹⁰⁸ Sweswi, votala va n'wina vabuti va Khatholiki va kahle lahawani, kumbe vasesi, vusiku lebyi, kumbexani mi ehleketa leswaku Maria a ri “mana wa Xikwembu,” tani hilaha mi nge a ri xiswona. A nga va njhani mana wa Xikwembu, kuveni Xikwembu a xi na masungulo hambi ya ri makumu? Wa vona? I mani Tatana wa Xikwembu, kwalaho, loko yena a ri manana? Wa vona?

A Xi ri Mutumbuluxi wa yena, nakona wansati a ngari mutumbuluxi wa Xona. Xi tumbuluxile, xona hi Xoxe, exivelekelweni xa Maria, ku ngari ku tumbuluxa loko ku nga ka yena. A ku ri Xona, xi ti tumbuluxeke, hi Xoxe. A nga humi eka wansati, kambe wansati a huma eka Yena. Hi swona sweswo. Bibele ya hi dyondzisa, leswaku, “Swilo hinkwaswo swi endle hi Yena,” wa vona, “kutani ku hava lexi nga endliwa handle ka leswi swi nga endla hi Yena.” Swi nga leswi swi nga endlekissa ku yini leswaku Yena.... A ngava na manana njhani, loko Yena a ri Xikwembu hi Yexe?

¹⁰⁹ Sweswi ha ku vona lahawani eka nhlavutelo wa xifananiso xa ntiyiso. Ku na vavasati va nharhu lava va rhwaleke mbewu ya ntumbuluko, ku fikela laha ku vupfelaka eka Yesu. Hilaha Ishmael a nga taka a ngavi tano, hikuva u tswariwile, hakunene, hilaha hi nga ehleketa namuntlha, loyi a nga humeki eka vukati bya xinawu, hikuva a ri n'wana wa wansati loyi a nga fuyiwa. Kutani ku ta swintsongo swo yelana na Yena, ku kotisa Yesu, laha ku nga humelela Isak; kambe hambi swi ri tano a yi nga ri yona, hikuva yi tswariwile hi timhaka ta masangu exikarhi ka Sarah na Abraham. Kambe ku vuye ku landzela Maria, hi ku tswala ka wa nhwana la nga tiviki wanuna, u tsvarile Yesu Kreste. Hi swona sweswo. Xikwembu, ku nga Rito, ri ti endle nyama.

¹¹⁰ Sweswi langutani. Ku vile na vavasati vanharhu. Ku na vavasati vanharhu lava va nga xifananiso lahawani, xa tikereke. Vavasati minkarhi hinkwayo va fananisa tikereke. Swivulaka, tinguva tinhарhu ta xidinominexini, swirhwali, laha nakambe swi bohekaka ku fa swi tlhela swi oma, ntsena ku kotisa xikamba na ku vumbela ku ya emahlweni, ku nyika ndhawu ya Mbewu. Mbewu yi ngaka yi ngavi kahle, yi ngaka yi nga vupfi, kumbexani, ku kondza xikamba, rimhandi, na matluka, swi oma hinkwaswo. Hi swona sweswo. Wu tsema xiphemu xin'wana na xin'wana xa Vutomi, eka swona, swi suka; amen; hinkwaswo swi tano, hi sweswo, na swona.

¹¹¹ Swingaka swi nga endleki! Sweswi i nkarhi wa Mbewu, kumbe nkarhi wa Mutekiwa. Swikamba swi file. Swikamba swi omile. Nkarhi wa Rito ra wa nhwana, a ri khumbhiwanga. Ri va nhwana, tsundzukani, nkarhi wa Rito ra wa nhwana. Loko mi nga Ri vekela emavokweni ya dinominexini, hakunene Ri ngaka ri ngavi wanhwana; Ri tava leri ri nga khomiwa hi munhu, hi nkarhi wo Ri fikelela. Kambe Kereke ya Xikwembu a yi kalanga yi khumbhiwa hi dinominexini. Haleluya! I Rito ra Xikwembu leri ri nga tswariwa hi wanhwana leri kombisiweke, Yesu Kreste wa ha ri yena wa tolo, namuntlha, ni hilaha ku nga heriki. Haleluya! Njhani, swisaseke njhani! Ndza Ri rhandza. Ndza Ri pfumela. Ndza switiva leswaku Ri Ntiyiso. Ri ngaka ri nga khumbhiwi. A ku ngevi na ku khoma hi munhu wa xidinominexini eka ku Tswariwa ka Mutekiwa hi wa nhwana. Ee, nkulukumba! U—u lerisiwile hi Xikwembu ku huma eka sweswo. “Mi nga khomi swilo swa vona leswi nga tengangiki, mi va makoti.”

¹¹² Ntsena swa ndzi tsundzuxa. Tani hiloko ndzi vuya ePhoenix siku rin’wana, ndzi ri karhi ndzi ta eTucson, ndzi huma ehlengeletanwini, Moya wa Xikwembu wu ndzi kokile rinoko eka swin’wana; tani hilaha a ndzi famba na nsati, hi ri karhi hi vulavula, kutani vana a va etlele endzhaku ka movha, a ri perile. Wu ndzi kokile rinoko hi xikhuzana, kutani ndzi hlalerile xikhuzana xexo swi ntsongo kutani ndzi n’wi dyondza. Hi yena xifananiso xa kereke namuntlha.

¹¹³ Sweswi, xikhuzana, tani hilaha hi swi tivaka hinkwerhu, u lahlekeriwile hi vutitivisi bya yena bya ntumbuluko wa ntiyiso. Sweswo hi swona hakunene. U tshame a yelana nyana na gama, buti wa yena lonkulu; xitano xikhuzana. Kambe sweswi a nga ha haheli a swibakabakeni nakambe, ku hlota mana ya tilo, kambe u kumekile a olova. A nga ha heli eswibakabakeni nakambe. U tshembhele emisaveni, ku kotisa koti; u tshama ehenhla ka tipala ta titheleponi; a tshembhela kona, a hlota mipfundla leyi yi nga fa. Xikhuzana a xi akeriwanga swona sweswo. Ee, u endleriwe leswaku a yelana na gama.

Sweswi, sweswo swi kotisa kereke. Yi endliliwe yi yelana na gama. Yi fanele ku teka ndhawu eka ku patlalala kale Tilweni. Kambe, ematshan’wini ya sweswo, yi kumeka yi olova. A ya ha haheli laha ku nga tivekiki nakambe, eka wasi. Ee, nkulukumba. Yi tshembhela eka tindlela ta yona ta ximanguva lawa, ta ku tekelela, ka dyondzo, na ntivo-vukhongeri, eka dinominexini yin’wana leyi yi nga endla hi munhu; yi langutela nhulu ya mipfundla leyi yi nga fa, yi nga bola nyana, sweswo hi swin’wana yi nga na swona. Hi swona. Yi tshembhela emisaveni sweswi, ma swi vona, hi swona, xikhuzana. Wa vona, sweswo hi leswi swi swivulaka.

Gama a ri kalanga ri ncinca na swintsongo. U tshama a ri gama.

¹¹⁴ A nga ha titlakusi eswibakabakeni, xikhozana a xa ha swi endlili, nakambe, ku khoma mana ya xona yo tengah ehenhla lahay, kambe u tshembhele eka leswi a nga ta swikuma swi file. Xikhozana a xi swikoti... u ri u fanele ku kumeka ehansi emisaveni. Kambe hlalelani xikhozana xa khale namuntlha. Xi famba hi patu, ma ti vona tintambhu ta ti thelefoni ti tele hi swikhozana, ku vona loko a nga kuma xin'wana—xin'wana lexi nga dlayiwa, xin'wana lexi xi nga bola. U tano a nga na timpapa leti eneleke to haha. U...Xo sungula mi xitivaka, u tava ehansi, xikan'we-kan'we, a va ehansi hikuva wa olova. A nga ha tirhisi ntamu wa yena, nakambe, lowu Xikwembu xi nga n'wi nyika wona.

¹¹⁵ Vutitivisi bya yena bya nkoka i ku tluta eswibakabakeni kutani a languta ehansi kusuka ehenhla, kambe sweswi u ya ehansi kusuka ehenhla a nga ha languti hambi kuri ku languta ehenhla. Miehleketo ya yena yile ka mipfundla leyi yi nga fa, ku vona leswaku a nga kuma yini epatwini; xintlen'wani xin'wana, matswiki-ntohe, kumbe xin'wana lexi un'wana a nga xitlumba. A hi yena gama, kambe o va swin'wana swo fana na rona.

Ntsena ku kotisa kereke yi tshembhelaka eka swakudya swa yona swa dyondzo na kuya emahlweni, swakudya leswi nga fa leswi nga fa khale, eka Luther, na Wesley, na Mapentekostal, ni leswi nga hundza, wa swi dya. Yi languta endzhaku eka dyondzo yin'wana leyi nga endla hi munhu; ematshan'wini yo hahela ehenhla ku patlalala kale Tilweni ka Rito, laha, "Hinkwaswo swi kotekaka eka vona lava va pfumelaka."

¹¹⁶ U tekelela mahanyelo ya vukuvuku. Swilo swa vona leswi swi nga fa swi siyeriweke makoti, ku nga misava. Dyondzo na swin'wana swo kotisa sweswo, swi siyeriwe misava, ku ngari Kereke. U olove ngopfu a nga... A ya ha khwaxi nakambe. A nge he swikoti ku ya ehenhla eka ku patlalala ka Tilo ro khwaxa, laha, "Hinkwaswo swi kotekaka eka vona lava va pfumelaka."

U tshama endzhaku, a ku, "Kunene, Dokodela *Swingere-ngere* u vule swin'wana... Dinominexini ya mina a yi Ri pfumeli hi ndlela ya leyo." Oho, wena xikhozana xo encenyeta, u chavaka ku tshova ehenhleni ka switshembhiso swa Xikwembu!

Mi ri, "Kunene, masiku ya masingita ya hundzile."

¹¹⁷ Ma olova. Ma chava ku teka timpapa ta n'wina mi hahela halahaya. Nakona mi olova ngopfu loko mi ta eka nhlengeletano ya xikhongelo? Xana mi tile endzhawini leyi mi yi chavaka ku yima ku tlula khume ra timinetse eka altari?

¹¹⁸ A ri karhi a khina ku kotisa koti, a ri karhi a dya nyama yo bola leyi nga misaveni! Ina, nkulukumba. Wa olova swinene ku teka ku khwaxa loku nga halahaya, nakambe. U khana ku kotisa koti, ni ku dya swakudya swa koti. Sweswo hi leswi swi nga xiswona. Hi swona. Ku kondza, laha a sungulaka ku languteka ku fana na koti. A va na maendlelo ya koti. A nga ha ri xikhozani a ngo hova nchumu. U kotisa koti ku tlula loko a ri xikhozani. Xikhozani xi fanele hi ku tluta; ku ngari ku tshama eka pala ya thelefoni xi tshamela ku languta pfundla wo fa, kutani xi xikela ehansi lahaya xi tlula-tlula epatwini ku kotisa koti. Wa vona?

¹¹⁹ Yaleylo hi yona ndlela leyi kereke yi nga xiswona namunthla. “Swi pfuna yini kuya ehenhla Lahaya u ya rhendzeleka u ri karhi u tluta emoyeni, loko ndzi kota ku kuma mipfundla lahawani?” Kambe yi file. Yi borile. Yi nyamile. Nkarhi wun’wana, yi tshame yi va kahle; a swi ri tano na hi dyondzo ya Lutheran, Wesley, na Mapentekosta. Hikokwalaho ka yini mi dya ku kotisa koti xana? Kuna mana ya ntshwa ya waka madyambu yan’wana na yan’wana, ya humaka eka ku patlalala kale tilweni, eka vana va Israel tani hiloko va ri erendzweni; leswi a swi sala a swi va leswi nyamisiweke. Hi tolovele kuvula leswaku, etikweni, “leri ri nga na swo tshombonyoka swa mincila.” Kutele swotshombonyoka swa mincila eka mintokoto ya hina namunthla, vukhongeri bya hina, ku tshembheriwela eka leswi swi nga vula hi un’wana, leswi swi nga vula hi un’wana, kutani, “Leswaku xitsembhiso a xi ri xa nguva yin’wana.”

¹²⁰ Wanuna u tile eka mina ku nga ri khale, muchumayeri wa Baptist, lahaya endlwini ya mina, a fika a ku, “Wa swi tiva,” a ku, “Ntsena ndzi—ndzi lava ku kululamisa eka swin’wana.”

Ndzi ku, “Yini?”

A ku, “U le ku ringetenka ka ku dyondzisa Dyondzo ya vuapostola eka nguva leyi.” A ku, “Nguva ya vuapostola yi hundzile.”

¹²¹ Ndzi ku, “Rini?” Wa vona? “Ndzi ta ku byela loko yi sungula, kutani wena u ndzi byela laha yi nga hundza kona.” Ndzi ku, “Xana wa ri pfumela Rito xana?”

A ku, “Ndza pfumela.”

¹²² Ndzi ku, “Hi swona. Sweswi, hi Siku ra Pentekosta, wa pfumela leswaku hilaha nguva ya vuapostola yi nga sungula kona xana?”

A ku, “Ndza pfumela.”

¹²³ Ndzi ku, “Swingaleswi, xivulavuri, Muapostola Petro, u vule marito lawa.”

Kutani tsundzuka, Yesu u teri, “Loyi a nga ta hunguta Rito rin’we eka Lawa, kumbe a engetela rito rin’we eka Rona,

xiphemu xa yena xi ta susiwa eBukwini ya Vutomi,” yaloye i muchumayeri kumbe un’wana loyi a nga na mavito ya vona eBukwini.

Ndzi ku, “Petro u teri, ‘Hundzukani, un’wana na un’wana wa n’wina, kutani mi khuvuriwa hi Vito ra Yesu Kreste eku khomeriweni ka swidyoho, kutani mi ta amukela nyiko yi nga Moya lowo Kwetsima. Hikuva xitshembhiso xile ka n’wina, nale ka vana van’wina, ni lava va nga ekule na xona, tani hi lavotala lava Hosi Xikwembu xa hina xi nga ta va vitana.’ Xana yi hume rini kwalaho? Yi tshama yi ri kona.”

Kova ntlawa wa swikhozana leswi swi nga ncincela eka mavukuvuku, ni ku thamukela eka mintsumbu yin’wana leyi yi nga fa, eka nguva yin’wana leyi yi nga swi dlayela. Hi swona. Ku ngari mana yo tengen lawa ya humaka eMatilweni, nakambe. A va Ri lavi. A va na... A va swikoti ku va na nhlengeletano ya xikhongelo. Ku ngari magama, ku sungula hi swona; wo olova, ku ngari ku khwaxa; ntsena ku thamuka hinkwako.

¹²⁴ Swingaleswi swi tano nale ka dinominexini ya hina ya ximanguva lawa, va tshembhela eka dyondzo eka ntivo-vukhongeri byin’wana lebyi byi nga endla hi munhu, ku hlamusela hi nkwaswo Leswi, nakona va swi amukela sweswo. A va ri teki Rito leri nge, “Yesu Kreste wa hari yena wa tolo, namuntlha, ni hilaha ku nga heriki.” A va yi teki Malakiya 4. Nakona a ngaka a nga swikoti ku teka hinkwaswo switshembhiso leswin’wana leswi swi fambelenaka na siku leri, ni ku swivula ku ya hi nguva ya kereke. Hilaha muprefeta a nge teri, “Kutava na ku Vonakala hi nkarhi wa ni madyambu,” a va switeki Leswi. Va lava ku thamukathamuka hinkwako eka swin’wana swa vandla rin’wana ra Pentekosta ri nga swi dlaya, dzana ra malembe lawa ya nga hundza, vadya mana lawa ya nga bola nyana. Hi swona. A swi kahle.

¹²⁵ Lemukani, kereke i ya xinyama, ya tiphamela yona hi yoxe eka nyama yale misaveni yo bola, swilo leswi swi nga fa swa misava, ntsena ku kotisa vukuvuku ri swi endlaka. Tipolotiki ta kereke, a va ha pfumeleli Moya lowo Kwetsima leswaku wu rhumela munhu eka kereke; va na tipolotiki ni ku vona loko dinominexini yi ta n’wi amukela kumbe yi nga n’wi amukeli. Hi swona sweswo. Va kotisa misava. Va ambala ku kotisa misava. Va languteka ku kotisa misava. Va ni maendlelo yo kotisa misava. Vo va mavukuvuku, ku kotisa misava. Va lolohwa, va olova, va xaveleri. Hi swona hinkwaswo leswi nga kwalahaya.

U tshame u vona gama ri xavelela? Ee, nkulukumba. A kuna ku xavelela eka yena. Hambi a ri Mukreste wa xiviri. A nga olovi. U ta ri hlota ku kondza a Ri kuma. Amen. Ina, nkulukumba. U ta yi kuma Nyama ya yena. U lava Mana yo

tenga. U ta nghena ehansi lahaya a cela ku kondza a Ri kuma. U ta hahela ehenhla nale henhla. Loko ku ri hava nchumu enkoveni lowu, u ta tlakuka nyana a ya ehenhla. Loko u gonya u ya ehenhla, hi kona u nga ta kota ku vona kahle. Swingaleswi i nkarhi wa magama ya namunlhya leswaku ya hahela ehenhla, ya cela eka switshembhiso swa Xikwembu, ku ngari ku hanya eka swakudya swa vukuvuku leswi swi nga dlayiwa malembe lawa ya nga hundza; humani eka swona.

¹²⁶ Tipolotiki, ku va vhothela va nghena vatlhela va vhotheriwa va huma, va vula *leswi, sweswo*, kumbe *swin'wana*, nakona Moya lowo Kwetsima a wa ha ri na ndlela ekerekeni ku tlula leswi nga riki nchumu. A ka ha ri na tinhlengeletano ta swikhongelo, a ka ha ri na ku kondletelana na Xikwembu leswaku ku hetisisiwa Rito ra Xona! A ka ha ri na ku pfumela leswaku Rito ra ha ri reriya ra tolo, namunlhya, ni hilaha ku nga heriki! Ntsena va ti endla makoti lawa ya xikelaka ehansi, ya fika ya kuma dinominexini, va tsarisa mavito ya vona ebukwini; va kumeka va lolohwa ni kuva va olova, va tshama endzhaku lahaya va ri na lwasi ra nyama ya muxaka wun'wana yo bola. Kutani, swingaleswi, laha a ku fanele ku ri xikhozana lexi xi nga makwenu loyi a yelenaka na gama, muprofeta loyi a tisaka Rito ra ntiyiso ni kuva a Ri kombisa.

¹²⁷ Xi tshembhela eka ku bola nyana, ntivo-vukhongeri lebyi byi nga endla hi munhu. Xana u byi kuma kwihi? Eka phepha rin'wana ra nonganoko wa xikolo xa Sonto lowu wu nga endla hi munhu, xidyondzeki xin'wana xi nga n'wi dlayela eka seminari yin'wana, xi n'wi byela leswaku, "Masiku ya masingita ya hundzile. Ku hava swo fana na nkhuvulo wa Moya lowo Kwetsima. Hinkwaswo Leswi i thyaka." U lava ku ndzi byela leswaku gama ri nga swi dya sweswo? Ri ngaka ri nga swi endli. Ee, nkulukumba.

¹²⁸ Hambi a ri Mukreste a ngaka a nga dyi nyama ya leyo yo bola leyi yi humaka eka tidyondzo ta xidinominexini na *swin'wana*. Va lava Rito ra Xikwembu, ro tengen, xitshembhiso xa awara. Xikwembu xi tshembhisile mipfundla emasikwini ya Luther. Xi tshembhisile *swin'wana* emasikwini ya van'wana. Kambe sweswi Xi hi tshembhisa Swakudya swa kahle swo ringanelia leswi swi nga hetiseka, Menyu wa nkombo wa tikhoso leti hetisekeke, hikwalaho Swilemo swa Nkombo hinkwaswo ka swona swi pfuriwile, kutani hinkwaswo swi ti lulamiserile Rito ra Xikwembu, eka vona lava va nga ta swi amukela! . . . ? . . .

¹²⁹ Swikhozana swi tshembhela ku kotisa mavukuvuku. Oho, mina! Ehleketa ha swona, swi tshoveleleke njhani, hikokwalaho—hikokwalaho a wara yi fikile. Ntsena ku kotisa xikhozana khale xi lahlekeriwile hi vutitivisi bya kuva tani hi xikhozana, swi tano nale ka kereke khale yi lahlekeriwile hi vutitivisi bya yona tani hi makwenu nyana (*xinyenyana*) wa gama, vaprofeta va Xikwembu.

Loyi a nga tshama a va xirhwali xa rito ra ntiyiso, ra ku lulamisa; kutani ri vuye ri va xirhwali xa ku kwetsimisiwa; kutani ri va xirhwali xa nkhuvelo wa Moya lowo Kwetsima, ku vuyiseriwela ka tinyiko. Kambe loko A ya emahlweni ni ku tshamela ro tlhelela endzhaku, a ringeta ku dya swin'wana, mana yo huma eka siku rin'wana, yo bola. A swi kahle.

Gama ra xiviri ra siku leri ra switiva leswaku sweswo hi swona. Kambe hi na swona sweswo, na swona, ku fikela laha Yesu Kreste a ti kombisaka hi ku hetiseka ka matimba ya Yena, tani hilaha A tshembhiseke kuva tano eka siku leri ro hetelela.

¹³⁰ Sweswi yo va xikamba lexi xi nga oma. Xi hundzile; Moya wa Xikwembu wu hundze hile ka yena, i ntiyiso. Kutani swi ngaka swi ngavi tano, xi ngaka xi nga dyi ndzhaka na Mbewu ya Rito leyi yi tiyisisiweke. Xi na ntiyiso wa leswaku a xi ngevi tano. A Xi nge kumeki eka ku Vutleriwa. Xi tova xirho xa kereke, xi nga gonya eka ku pfuka ra vumbirhi, xi ya avanyisiwa kuya hi leswi xi nga swi twa.

Loko u ri kona lahawani madyambu lawa, nakona ntsena u ri xirho xa kereke ntsena, xana ku avanyisiwa ka wena ku tava loku ka njhani, loko hinkwerhu hi fanele ku yima kwalahaya ni kuva hi nyika vumbhoni bya leswaku u wu twile Ntiyiso? Wa vona?

A ya ha haheli eka wasi, laha ku nga tivikiki, eka leswi swi nga riki swa ntumbuluko, laha Matimba na ku leha, na switshembhiso swa Rito ra Xikwembu leri nga riki na Makumu ri endliya ri va leri kotekaka, “eka hinkwaswo eka vona lava va pfumelaka.” Yi ngaka yi nga swi pfumeri Sweswo, yi vula tano. Yi wela endzhaku eka tintambhu ta titheleponi, kutani yi ku, “Dinominexini ya mina yi ri mipfundla yi kahle.” Hambi leswi yi nga na swivungu eka yona, kambe, hambi swi ri tano, “Yi kahle,” wa vona. Yi tshembhela eka sweswo.

¹³¹ Pentekosta yi fana na sesi wa yona wa koti ra xidinominexini, yi tshameke sweswi eka vukulukumba bya “switshamo swa huvo leyi ngariki ya vukhongeri,” hakunene, yi ri karhi yi yingisela eka misava ya yona, ku phamela ka tinhloko ta tipolotiki hi swakudya swa yona swa koti swa mipfundla leyi yi nga fa, ya swin'wana leswi swi nga hundza, makume ntlanhu wa malembe lawa ya nga hundza. Xexo i xiyimo xa kereke ya Pentekostal. Oho, mina!

¹³² Ntsena ku kotisa hilaha Sarah a nga ringeta ha kona ku tisa xitshembhiso lexi xi nga riki xa ntumbuluko hi—hi ku hlawula Hagar hi voko, swi tano nale ka kereke, yi ringeta ku tisa mpfuxelelo. Va evhangeli va hina va namunthla ku rhendzeleka hi matiko, “Mpfuxelelo hi nkarhi wa hina! Mpfxelelo hi nkarhi wa hina! Hinkwerhu n’wina Mamethodist, Mabaptist, Mapentekostal, hinkwenu vanani

kun'we." U ngava na mpfuxelelo njhani wa Mana yo tengə eka ya khale, yo fa, ya koti? U ngava na wona njhani, mpfuxelelo hi nkarchi wa hina?

Mpfuxelelo wu tava lowu ntsongo va ngaka va nga switivi leswaku wu tshame wu humeleta.

¹³³ Mapentekostal ya ri, "Oho, kutava na nchumu lowukulu wu nga ta humeleta."

Wu le ku humeleteni, nakona a va switivi. Wa vona, sweswo hi swona. Wa vona? Ina, nkulukumba. "Hikuva laha Ntsumbu wu nga kona, hilaha magama ya nga ta hlengeletana kona," ntsena tani hi ntiiyiso tani hi misava. Wa vona? Sweswo hi leswi Ri nga swi vula. Xana Ntsumbu i yini? I Rito. Hi Yena Rito, ri nga Ntsumbu, Kreste! "Kreste loyi a nga endzeni ka n'wina," loyi a nga tolo, namuntlha, ni hilaha ku nga heriki. Ri ntiiyiso njhani!

¹³⁴ Sarah, a ringetaka ku hetisisa switshembhiso hinkwaswo, ma swi vona, hi vukulu...ku kotisa kereke namuntlha, "mpfuxelelo lowukulu enkarhini wa hina," (hi yini xana?) hi xitshembhiso lexi xi nga enceneyetiwa. Xana u ta swi endlisa ku yini, loko Xikwembu xi nga kalanga xi katekisa vandla xana?

A Xi se tshama xi tirhisa vandla. Loko hungu ri ya emahlweni, kutani a va tikondletela, a ri fela kwalahaya. Ndzi tlhotlha un'wana na un'wana wa n'wamatimu ku ndzi komba laha ri nga tshama ri pfuka nakambe. Ri fela kwalahaya ri tshama kwalahaya. Xikwembu ntsena xi huma eka xirhwali xexo, xi ya eka xin'wana; ku huma eka Lutheran, ku ya eka Methodist; ku huma eka Methodist, ku ya eka Mapentekostal; sweswi Xi sukile eka Mapentekostal, ku ya eka Mbewu.

¹³⁵ Hikuva, yi fanele kuva Mbewu. U ngaka u nga wu hluli ntumbuluko. Ku hava, ku hava nchumu lahaya lexi nga humeletaka handle ka Mbewu, swi nga leswi Mbewu yi ta ti humesa hi Yoxe. Hi Yena tolo, namuntlha, ni hilaha ku nga heriki; Langavi reriya ra Ndzilo, ri kombisaka masingita man'we, Matimba ya lawaya, Xikwembu xexiya, mahlori ya lawaya, sweswiya swo fana, swi tiyisisa Rito na Bibele, ku fanana. Hi yena tolo, namuntlha, ni hilaha ku nga heriki. Wa rhangela, madyambu lawa. Xikwembu a xi hi pfuni leswaku hi Ri vona ni kuva hi Ri pfumela! Hakunene!

¹³⁶ Wa vona, Sarah, ku nga kereke, u hlawule Hagar hi voko. A swi kalanga swi tirha. Swi tirhile xana? Ee. Ntlawa wa yena lowu wu nga hlawuriwa hi voko wu ngaka wu nga tirhi namunthla, hambi swi ri tano. Vadokodela, na ti Ph. D., na ti L.L.D., ti ngaka ti nga tirhi. Swirhwali hinkwaswo swa hluleka.

Luther u tsandzekile, tani hilaha Hagar a swi endleke. Xana Hagar u endle yini? Hagar u nyikerile n'wana wa yena exifuvensi xa wansati un'wana (a hi swona?), ku n'wi kurisela n'wana.

Hagar u swi endlile sweswo; a nyikela n'wana wa yena, n'wana loyi a nga yexe, exifuvenci xa wansati un'wana (loyi a nga riki manana wa yena), ku n'wi kurisa. Sweswo hi leswi swi fanaka ni leswi Luther a nga swi endla loko a tava a nyikerile hi n'wana, ku nga ku lulamisiwa, eka dinominexini leswaku a mphutisiwa ha yona, hi swona sweswo, ku n'wi kurisa.

¹³⁷ Wesley u tsandzeke ku fana tani hilaha Sarah a swi endleke, hi ku kanakana ku Tswariwa ka xivumbiwa lexi ngariki xa ntumbuluko kuva nkhuvelo wa Moya lowo Kwetsima, tani hilaha Sarah a swi endleke eka nsinya wa nkhuulu. Loko Wesley a tava a tivisiwile eka leswi swi nga riki swa ntumbuluko, loko nguva ya Pentekostal yi fika kutani Wesley a tivisiwile ku vulavula hi tindzimi ni hinkwaswo Leswi, vahlekile vatlhela va Ti endla mafenya. Hinkwerhu n'wina ma church of Christ, na n'wina, mi ti vitanisaka xiswona, na n'wina Mabaptist, na Mapresbyterians, un'wana na un'wana wa n'wina, mi hundzuluxerile tinhompfu ta n'wina ehenhla, eka Tona, mi fambela ekule na Tona. Hi swona. U ta endla yini, Wesley? U xavisile n'wana wa wena eka vandla, kutani u file a tlhela a lova. Sweswo hi swona.

¹³⁸ Kambe, Rito, Rito ra ntiyiso ri ya emahlweni. A Ri tshami eka vandla lero. Ri fambile ri ya emahlweni eka pentekosta, ni ku teka swin'wana swa yona. A Ri ri N'wana loyi a vupfuke, ku kotisa Mbewu leyi yi weleke exivelekelweni; nakona, endzhaku nyana, Xi sungurile eka rhambu ra longo, kutani xi va na mahawu, kutani xi va na nhloko na milenge.

Kutani, endzhaku nyana, Xi fikile endzhawini leyi Xi nga velekiwa. Sweswo hi swona. Swingaleswi, sweswo hi leswi Kereke yi nga vupfisa xiswona, hi ndlela yo fana.

¹³⁹ Wesley u kanakanile ku kotisa hilaha Sarah a swi endleke ensinyeni. U teri... Loko Ntsumi ya Hosi, ya Wanuna, yi ambale kukotisa... Kumbe, Ntsumi, Xikwembu, swi tano, yena hi Yexe. Elohim, a ambarile ku kotisa munhu, a yima lahaya a ri na ritshuri eka swiambalo swa Yena, a tlhela a vula leswaku U nyika xitshembhiso; endzhaku ka loko Sarah a ri na makume nkaye wa malembe hi vukhale, kutani Abraham a ri na dzana.

Kutani Sarah a hlekela ekatleni, a ku, "Swi nga endlekisa ku yini leswi, loko Abraham na mina hi ri hava, kunene, a ha ha kotisi vanhu lavantshwa, xinakulobye xa xindyangu, kumbexani ku ringana makume mbirhi wa malembe." A tshunelela dzana ra malembe hi vukhale. A ku, "Mina, ni va na ku tsakisana na hosi ya mina, ndzi dyuharile, na yena a dyuharile, na yena? Kutani xinkombyani xa yena xa vutomi xi file, na xivelekelo xa mina xi omile. Mavele ya mina ya vunile; tinsinga ta mafi a ta ha ri kona. Xana ndzi ngava na yena njhani?"

¹⁴⁰ Xikwembu xi teri, “Ndzi swi tshembhisile. U le kuteni, hi ndlela yin’wana!”

¹⁴¹ Va swi endlele na Wesley. “Hi nga va amukela njhani loko vavulavula hi tindzimi, na ku hanyisiwa loku ko Kwetsima, na swin’wana. A hi swa hina eka leri siku.”

¹⁴² Xikwembu xi teri, “Ndza tshembhisa leswaku, ‘Emasikwini yo hetelela Ndzi ta chela Moya wa Mina ehenhleni ka nyama hinkwayo.’” Xi swi tshembhisile ku swi endla, kutani Xi yile emahlweni xi swi endla, hi ndlela yin’wana. Kutani kereke ya va Wesley, na hinkwavo ka vona vasesinyana va vuluva, bya Mabaptist, Mapresbyterian, na Machurch of Christ, na Manazeren, Mapilgrim Holiness, na United Brethren, na tihi tin’wana, ti file na yona. Kutani Kereke yi famba yi ya emahlweni.

Xana Pentecosta yi endle yini? Yi tikondleterile, ntsena ku kotisa xikamba. Yi endle swo fana. Yi ti kondleterile yona n’winyi, yi ti tshamisia yona hi yoxe tani hi xikamba. Hi swona sweswo.

¹⁴³ Pentekost a yi ri tani hi Maria. [Thonsi leri nga riki na nchumu eka thepi—Muhleri]... nkhuvo wa pentekostal, langutani leswi Maria a nga swi endla. U hoxise kwih Maria? Enkhubyeni wa pentekostal, nkarihi wun’wana, a kongomanile na ntlawa wa vakulukumba, vaprista. Loko, N’wana wa yena, a nga ha N’wi kumi hinkwako. Kutani u tlhelele endzhaku, eka rendzo ra masiku ya nharhu.

A N’wi siyile. Ku kotisa kereke ya ximanguva lawa, kwalomu ka nharhu ku andzisa hi ntlhanu, kumbe makume mbirhi-ntlhanu, hilaha kereke yi nga sala kona, kwalomu ka makumu ntlhanu wa malembe lawa ya nga hundza, kumbe makume nkombo-ntlhanu.

¹⁴⁴ U N’wi siye ekhubyeni wa pentekostal. Maria a tlhela a vuya na Yosefa, masiku manharhu, va ta N’wi lava. A ri eku N’wi laveni; va nga N’wi kumi.

U N’wi kumile. Xana u kume yini? U N’wi kume etempeleni, a ri karhi a vulavula Rito ra Xikwembu na vaprista. Nakona a ri emahlweni ka vaprista lava, vona vakulukumba lava, Maria a tshika nceka wu wa. U endlile nchumu lowu a fanele a nga wu endlanga.

Mi n’wi vitana, “Xikwembu; mana wa Xikwembu”? Manana loyi a fanele a ri na vutlhahhi hinkwabyo ku tlula n’wana.

Kutani a ku, “Tatana wa Wena na mina a hi ehleketa leswaku hi ta ku kuma U ri na mihloti, yo ringana nhlikanhi na vusiku.” Haa! “Tatana wa Wena na mina,” va koxa leswaku ku tswariwa a ku ngari kale handle ka ntumbuluko, leswaku Yosefa a ri tatana wa Yesu. U a rile ku tswariwa kale handle ka ntumbuluko.

Pentekosta yi teke ku vulavula hi tindzimi. Va arile ku Tswariwa ka Rito. Sweswo hi swona hakunene leswi swi nga endliwa. Yi ta teka swo tala swa Rona, kambe va nga teki hinkwaro ka Rona. Yi arile ku Tswariwa ka Rito, ntsena hilaha Maria a swi endleke. Kambe, langutani, a ku nge he pfuki ku vile na mavandla man'wana endzhaku ka Leri.

¹⁴⁵ Langutani Rito rona hi Roxe, hambi swi ri tano, a ri na malembe ya khume mbirhi hi vukhale, ntsena nchumu lowu ntsongo a tlhelela eka xikamba, U teri, “Xana a mi switivi leswaku Ndzi fanele ku va entirhwени wa Tatana wa Mina xana?” Rito ri lulamisile kereke, kwalahaya.

¹⁴⁶ “Xana mi endla yini hi swilo leswi? Ma swi tiva leswaku mi ngaka mi nga swi endli *leswi*. Hi ta pfala tivanti ta hina; a hi nge he mi pfumeleli mi nghena.”

¹⁴⁷ “Xana a mi fanelanga ku switiva leswaku Ndzi fanele ndzi va eka ntirho wa Tatana wa mina xana?” Wa vona? Hakunene, hakunene, ntiyiso wa leswi ngariki swa ntumbuluko!

¹⁴⁸ Hi ku ti tsakisa, ntsena u koxile leswaku hi Yena n'wana wa Yosefa, munhu wa nyama. Kumbe, leswi Pentekosta yi nga swi endla, ntsena yi koxile leswaku Yena “hi un'wana wa swinharhu.” Yhoo! Ndza switiva sweswo leswaku swa vavisa, “xin'we eka swinharhu.” Kambe A ri hinkwaswo swinharhu, eka Xin'we. A ngari xin'wana xa swinharhu. Kambe Pentekostal, “Oho, ina, hi Yena N'wana wa Tatana, wa Moya lowo Kwetsima, kutani...” Oho, mina!

Kambe ra xiviri, Rito ra ntiyiso ra vulavula, ri ku, “A hi swona swinharhu swa swona. Kuna xin'we xa swona.” [Thonsi leri nga riki na nchumu eka thepi—Muhleri.] Amen. A mi ri tivi Rito ra Xikwembu xana? A ri swi endli swi va swinharhu; kambe Xin'we.

¹⁴⁹ Lemukani, a ku nge hevi na xirhwali, manana wa tikereke, tidinominexini, endzhaku ka xirhwali lexi xa xikamba.

¹⁵⁰ Hikuva, endzhaku ka xikamba, a ka ha ri na nchumu, ku hava lexi xi nga sala handle ka Ndoho ntsena. A hi swona xana? Yi fanele yi va Ndoho. Yi fanele yi va muxaka wun'we ni lowu wu ngaya ehansi emisaveni, Yesu Kreste wa ha ri yena wa tolo, namuntha, ni hilaha ku nga heriki, Moya wu xikele ehenhla ka Mutekiwa ku ta endla swo fana ni leswi Yena a swi endleke. Wa vona? I ku tswariwa nakambe ka Ndoho.

¹⁵¹ Rito, hambi a ri ntsongo, ri vulavule hi rona N'winyi, “Xana a mi switivi leswaku Ndzi fanele kuva entirhweni wa Tatana wa Mina xana?” Haa!

¹⁵² Hi xexo xi hundla xa Hungu sweswi, ntsena ku fanana, “ntirho wa Tatana.” Xana i yini ntirho wa Tatana?

Mi nga ha ehleketa hi ntirho wa Tatana leswi a wu ri xiswona, eka Yena? Ku hetisia leswi Esaya a nga swivula,

“Wa nhwana u ta tika.” Ku hetisisa leswi Esaya, a nga swivula nakambe, “La nga kotiki ku famba u ta tlulatlula tani hi mhunti,” na hinkwaswo swilo leswi swi ta teka ndhawu. Tani hilaha Muxe a nge teri, “Hosi Xikwembu xa n’wina xi ta mi pfuxela Muprofeta, exikarhi ka n’wina, wo kotisa mina.” A wu ri ntirho wa Tatana, wo hetisisa Rito lero.

Kunene, loko sweswo swi ta swi suka ehansi hi timhandi ta vona, ta vavasati va vona va ntumbuluko; lava vona ke va timhandi ta ximoya, vavasati va tikereke? Tikereke swivula vavasati, *vavasati* swivula “tikereke,” kumbexana. A hi swona xana?

Swingaleswi i yini xana? “Hi fanele hi va eka ntirho wa Tatana,” Koroni yi ta huwelela, Ndoho. Ina, nkulukumba. Xana yi boheka ku endla yini? Ku tiyisisa Malakiya 4, ku tiyisisa Luka 17:30, ku tiyisisa Vaheveru 13:8, ku tiyisisa Mukwetsimi Yohana 14:12, ku tiyisisa hinkwaswo swa Rito ra Yena. Ku tiyisisa Vaheveru, ndzi vula... Nhlavutelo, kuavanyisa ka 10, eku pfuriweni ka Swilemo swa Nkombo, na swihundla swa Xikwembu; hambi ku ri eka mbewu ya nyoka, na hinkwaswo, swi ta kombisiwa; vukati ni ku thalana ni hinkwaswo swihundla leswin’wana leswi a swi fihliwile ehansi ka malangavi eka hinkwawo malembe lawa, kusuka eka va ntivo-vukhongeri ni kuya emahlweni, kambe sweswi hi yona awara. Walowo i ntirho wa Tatana.

Mi ehleketa leswaku va ta Ri amukela xana? Va lava kuva va kulukumba, ni ku vula leswaku, “Dinominexini ya hina a yi swi dyondzisi Sweswo.” Kambe Bibele ya swidyondzisa. Hi swona.

¹⁵³ Xikwembu xi Ri tiyisisile leswaku i ntiyiso. Hakunene, Ri hetisisa nguva leyi, loko Swilemo swa Nkombo... Kumbe, ntsena ku khorwisa tidinominexini leswaku tova ntsena swirhwali, walowo hi wun’wana wa ntirho wa Tatana, wa ku khorwissa. Nakona ntirho wa Tatana i ku mi kombisa leswaku tidinominexini ta n’wina a hi ta Xona. Tova mafambiselo lawa ya nga endliwa hi munhu lawa ya alanaka na Rito. Hi swona. Lemukani.

Mi ri, “Kunene, Maria, wa nhwa-...wa nhwana wa kahle!”

¹⁵⁴ Exihambanweni, A nga kalanga a n’wi vitana, “manana.” U n’wi vitane, “wansati,” xirhwali, ku ngari leswaku manana. Wa vona? I ntiyiso, a ri xirhwali xa Rito, kambe a ngari Rito. Yena a ri Rito. Oho, ina.

¹⁵⁵ Lemukani, nakambe, a nga tiviwanga eku pfukeni na Yena. U file a tlhela a pfuka nakambe, hikuva A ri Rito. Yena a ri xirhwali ntsena. Maria u file, na sweswi wa ha ri esirheni. Hi swona sweswo. Swingaleswi, wansati ntsena a ri xirhwali, a nga ri manana wa Yena, a nga ri Xikwembu. A

ri ntsena xirhwali ku kotisa tikereke leti ti nga xiswona. Hi swona sweswo. Swikombisa leswaku a ri ntsena xirhwali, ku ngari Rito.

¹⁵⁶ A hi pfalen i ku vula leswi. Oho, swikhozana swa Pentekostal, ma thamukathamuka hinkwako ku kotisa makoti, mi va na xiave eka misava ntsena ku kotisa hilaha hi vunygingi bya vona va swi endlaka, “mi ri na nghohe ya vukhongeri, ley i eneleke ku hambukisa na vona Vahlawuriwa loko swi nga kote ka, kambe mi ri karhi mi ala Matimba ya byona,” tani hilaha muprefeta a vulaka lahwani. Xikombiso lexi hetisekeke xa leswi Rito ra Xikwembu ri swi vulaka leswaku swi tava ha kona emasikwini yo hetelela, eka nguva ya kerek e ya Layodekiya, “leyi nga ambalangiki, ya bofu, ya khombo, ya xisiwana, ya mupfumari, nakona a yi switivi; yi koxa leswaku hi leyikulu yi tlhelha yi fuma, ‘a yi pfumali nchumu.’” Nakona a yi switivi leswaku u ncincile kusuka eka xikhuzana, makwenu loyi a yelenaka na muprefeta, ku hlayisa Rito ra Xikwembu leswaku ri ku thwixi; u hundzukele eka koti, nakona u le ku phameleni ka vanhu va yena hi mipfundla ya vafundhis lava va nga fa. Hi swona hakunene. Pfukani! Mina, mi ehleketa leswaku mi ta tivisiwa ku yini, kumbe ku dya ndzhaka na magama, loko ku ri na swilo swo kotisa sweswo eka awara leyikulu loko ku Vutleriwa ku fikile xana?

¹⁵⁷ Oho, Mukreste, oho, mupfumeri, loko u tshame u va mupfumeri nyana, tshamel a ro ta eka tihlengeletano xinkadyana (u ta swi endla xana?), hi na swin’wana lahwani leswi ndzi pfumelaka leswaku Hosi yi mi lava leswaku mi swi tiva.

Nkarhi wu fambile; ndzi ngaka ndzi nga hayi emahlweni. Ndzi fanele ku pfala, kumbexani ndzi hetisa vusiku bya mundzuku. Kambe, langutani, a hi korhamiseni tinhloko ta hina xinkadyana.

¹⁵⁸ A ndzi swilavi leswaku mi lemuka ririm i leri ndzi nga ri tirhisa, kambe ndzi mi lava mi tekela enhlokweni leswi ndzi nga swivula. Swile rivaleni ngopfu mi nga ha switwisisa, ndzi na ntiyiso, loko mi swi tsakela. Loko mi ri kona vusiku lebyi, nakona mi pfumala ntokoto lowu . . .

A ndzi vuli leswaku . . . Mi ku, “Ndzi cinile ndzi ri eMoyeni, ndzi tlulatlurile hinkwako.” Ina, swikhuzana swa swi endla na swona, ntsena ku kotisa mavukuvuku na makoti. A ndzi kombeli swona sweswo.

Xana mile ku dyeni ka yini? Mi swi kuma kwihi swakudya swa masiku hinkwawo? Mi phameriwa swi huma kwihi, swi huma eka Rito ra Xikwembu kumbe eka nyama yin’wana ya khale ley i nga bola ley i nga tshama yi tirhisiwa endzhaku halahaya, malembe na malembe lawa ya nga hundza xana? Hi yona ntokoto wa n’wina, hambi ku ri vusiku lebyi, na

swin'wana swa leswi u nga swi doba malembe yo tala lawa ya nga hundza; kumbe swi tengile swi tlhela swi va swintshwa vusiku lebyi, Mana lawa tshwa lawa ntsena ya humaka eTilweni, kutani mi le ku phameleni ka mimoya ya n'wina ha Wona, mi langutele swin'wana swo antswa ni kuva kahle mundzuku? Loko mi ngari hi yona ndlela ya leyo, sweswi na tinhloko ta n'wina leti ti korhameke na mahlo ya n'wina lawa ya nga tsipa, na timbilu ta n'wina leti nga korhama, ti vutisi xivutiso lexi xo tshembheka. Nakona ku ngari eka mina, kambe eka Xikwembu, mi nga ha yimisa mavoko ya n'wina leswaku ya va mbhoni, ya ri karhi ya vula leswi, "Xikwembu, tshamisisa moya wa mina na munhu wa mina wale ndzeni eka xiyimo xa kahle, leswaku ndzi nga ha phameriwa ntsena Rito ra Xikwembu." Mi nga ha yimisa mavoko ya n'wina ntsena, mi ku... Xikwembu a xi ku katekisi. Xikwembu a xi ku katekisi.

¹⁵⁹ A ndzi tivi kahlekahle leswaku mi va ngani lahawani, kwalahawani, vusiku lebyi. Ndzi loyi a nga siwaneka eka ku hlaya ntshungu, kambe ntsena ndzi ta ku xa nharhu, kumbe ku tlula, lava va nga yimisa mavoko ya vona, ya lava va lavaka ku tshamisekisiwa ka munhu wale ndzeni. A hi tsundzukeni eka xikhongelo sweswi loko ha ha korhamisa tinhloko ta hina.

¹⁶⁰ Xikwembu lexi rhandzekaka, ndzi na vutihlamuleri ntsena eku vuleni ka Rito. Nakona ntsena hi swikombiso nyana leswi swo olova, swifananiso, vanhu va swivona leswaku un'wana a ngayi eku dyeni ka ndzhaka na un'wana. Kutani ha switiva leswaku emasikwini ya makumu kutava na vanhu lava va nga ta vutleriwa ehenhla eMatilweni, kutani van'wana va vona va tava kwalahawani loko Yesu a vuya. Nakona hi N'wi languterile ku vuya hambi kuri vusiku lebyi.

¹⁶¹ Kutani ndzi ehleketa hi makume nharhu, kwalomu ka makume nhanrhu kumbe makume nharhu-nharhu wa malembe lawa ya nga hundza, ndzi khizamile kwalahawani kumbexani nkarhi wo fana na wa lowu wa vusiku, kuya eka hafu ku bile awara ya nkaye kumbe awara ya khume, ndzi ri nkarhi ndzi khongeleta tatana loyi a lahlekile. Visiku lebyi, Hosi, ndzi khongeleta vatatana votala, vamanana votala, na vabuti na vasesi. Xana A wu ngevi na tintswalo xana, Xikwembu lexi rhandzekaka? Nkarhi wu fambile sweswi eka tatana wa mina ku endla swin'wana ha swona; u hundzile eka mindzelekanyo ya vutomi lebyi. Kutani ku ngari khale, Hosi, hinkwerhu hi ya eku hundzeni eka ndlela ya leyo. Mina, na mina, ndzi boheka ku famba hi ndlela ya leyo. Wanuna un'wana na un'wana na wansati, jaha kumbe nhwana, loyi a nga kwalahawani, u ta fanela ku famba hi ndlela ya leyo. Nakona hi tava na vutihlamuleri hi leswi hi swi endlaka hi Rito ra Xikwembu.

¹⁶² Hi swihi swintsongo leswi munhu loyi a tikombisa xiswona, emahlwени ka Davida, loko a ta n'wi tshwutela! Hi swihi swintsongo eka vanhu lava va ehleketa hi swona, lava

va nga tshwutela ehenhleni ka Yesu a nga Rito, loko A tlhela a vuya nakambe, ni lava va N'wi tlhaveke. Hi swihi swi ntsongo swa leswi vanhu va nga ta swi twa eka lava va nga ta fambela ekule kusuka lahawani kutani va vona hambi kuri...hambi ku nga ri eka marito man'wana ya Xigriki ya kahle, ni kuya emahlweni, kambe eka ntumbuluko lowu wu nga erivaleni wu hi dyondzisa leswaku Xikwembu i Mutumbuluxi; mi nga ha vona swirhwali swa Rito, ni ku vona Rito hi Roxe, ni ku tiva awara leyи hi hanyaka eka yona, na nkarhi wo tshovela wu fikile.

¹⁶³ Xikwembu lexi rhandzekaka, u nga hi pfumeleri leswaku hi Ri fularhela, hikokwalaho ka swin'wana swa vuphukuphuku bya misava, kambe hi pfumeleri evusikwini lebyi leswaku hi N'wi amukela hi timbilu ta hina hinkwato. Hosi, tumbuluxa eka mina moya wa kahle, Moya wa Vutomi, leswaku ndzi nga ha pfumela hinkwawo Marito ya Wena, ni ku amukela Yesu tani hi Rito, loyi a nga tolo, namuntlha, ni hilaha ku nga heriki, ni ku pfumela namuntlha eka xindhawani lexi xi nga longoloxiwela nguva leyи. Hi nyike swona, Hosi. Ndza swikombela hi Vito ra Yesu.

¹⁶⁴ Kutani sweswi ndzi ta kombela un'wana na un'wana wa n'wina, tani hi leswi mi nga kona lahawani mi eheketa ha swona, hi ku tshembheka hakunene. Hi hava kereke ya n'wina leyи hi nga mi joyinisaka yona. Hi na xidziva lahaya lexi hi nga mi khuvulaka eka xona, "Tani hi votala lava va nga pfumela va khuvuriwile," loko u nga se tshama u khuvuriwa hi nkhuvulo wa Xikreste. Sweswo a hi vuli ku haxa, ku chela; leswi hi swi vula hi ku ndondovetiwa. Ku ngari hi swiyimela mavito ya Tatana, N'wana, Moya lowo Kwetsima, kambe hi Vito ra "Yesu Kreste," ku kotisa kereke ya khale yi nga khuvurisiwa xiswona, kufikela kereke ya Khatholiki hi 303 yi nga tivisa swikwembu swi nharhu na swivumbeko swinharhu swa nkhuvulo, hi swiyimela mavito swa vunharhu bya tilo. Loko u nga se tshama u switwa sweswo, mundzuku na mixo hi awara ya khume ku na swiambalo na swin'wana leswi swi nga mi yimela kwalahaya.

¹⁶⁵ A mi ngati mi ta ti hlanganisa na Yesu Kreste, ku ngari hina. Hi hava kereke lahawani leyи yi nga mi hlayisaka. Mi ya eka kereke leyи mi yi lavaka, hambi mi huma kwihhi, kambe, nakombela, pfumelani Rito leri. Ma ri pfumela xana? Mi nge, "Amen." [Nhlengelatano yi ku, "Amen."—Muhleri.] Xikwembu a xi mi katekisi. I ngaku mi nga swi endla...

¹⁶⁶ Loko ku ri na leswi hi nga mi pfunaka hi swona, hi kona ku ta swi endla.

¹⁶⁷ Sweswi, ndza switiva leswaku ku na vavabyi lahawani. Nkarhi wu hi famberile, vusiku lebyi, eka layini ya xikhongelo. Kumbexani hi ta swi kuma, hambi swi ri tano. Ndzi mi lava

leswaku un'wana na un'wana wa n'wina a ndzi endlela swin'wana. U tshame ekusuhi na un'wana; tlhandleka mavoko eka munhu ya loye.

Nakona u nga kanakani leswaku u tlhandleka voko ra wena ehenhleni ka gama, kumbexani i gama rin'wana leri a ri ri ekudyeni ka swakudya swa koti kun'wana; ri vabyisa hi swona. A va ha swi lavi nakambe. Valava ku huma eka swona. Va karhele ni ku hlambisiwa timbilu ha swona. Va tshamile kwalahawani va vona leswaku magama hakunene ya dya yini, Rito, nakona va na Kreste loyi a hanyaka exikarhini ka vona, a tikombisaka leswaku Wa hanya, yena wa tolo, namuntlha, ni hilaha ku nga heriki. A va swilavi ku dya ndzhaka na swikamba; swi fanele ku hisiwa. Swithumbhani hinkwaswo na swin'wana swi ta hisiwa. Leswi nga hlangana swi ta ekuhuleni ka Koroni yi huma. U lava kuva Koroni.

¹⁶⁸ Kuna van'wana va vona va vabyaka, van'wana va vona va vabya enyameni. Ndzi mi lava mi khongela, magama. Khongelela buti wa wena, sesi wa gama kwalaho, tani hiloko ndza ha mi khongelela lahawani. I ngaku Moya wa Xikwembu wu nga xikela eka n'wina.

¹⁶⁹ Tsundzukani, ndzi mi nyika Swakudya swa magama, swi nga switshembhiso swa Xikwembu. Xi vitana vaprofeta va Xona leswaku i, "magama." Xi ri karhi xi ti vitana na xona N'winyi "Gama," hi Yena Yehovha wa Gama. Kutani loko ma ha tlhandlekile mavoko ya n'wina ehenhla ka un'wana, va khongeeleni.

¹⁷⁰ Tatana wa hina wa le Matilweni, Rito ra Wena ri teri, xileriso xo hetelela lexi U nga xi nyika Kereke ya Wena, i ku, "Fambani emisaveni hinkwayo, mi ya chumayela Evhangeli," swileriso swa hinkwavo, "loyi a nga ta pfumela a khuvuriwa u ta pona; loyi a nga tako a nga pfumeri u ta rhukanawi. Masingita lawa ya ta endliwa hi lava va pfumelaka; hi Vito ra Mina va ta hlongola madimona; va ta vulavula hi tindzimi leti ntshwa; loko va nga nwa leswi swi dlayaka, swi ngaka swi nga va endli nchumu; loko va nga khoma tinyoka, tingaka ti nga va vavisi; kutani loko va tlhandleka mavoko eka vavabyi, va ta hola."

O Yehovha wa Gama, phamela vatsongwana va Wena vusiku lebyi ehenhleni ka Rito lero, Hosi. Va na swilaveko. Sweswo i swakudya leswi va swi lavaka. Sweswo hi swona leswi va swi lavaka, ku tiva Swakudya swa kona, hilaha LESWI HOSI YI SWI VULAKA swi nga xiswona.

¹⁷¹ U tsembhisile, leswaku loko va tlhandleka mavoko ya vona eka van'wana, leswaku va ta hanya. O Hosi Xikwembu, susa hinkwako ku kanakana na miehleketo ya koti leswi nga eka hina. Nakona hi phameriwa hi xichavo ehenhleni ka Swakudya swa Gama, swa Rito ra Xikwembu.

¹⁷² U nge moya wun'wana na wun'wana lowu wu nga basangiki eka vanhu lava, moya wun'wana na wun'wana wa ku kanakana, moya wun'wana na wun'wana wa vutoya, ku namarhela hinkwako ka xidinominexini, mukhuva wun'wana na wun'wana, vuvabyi byin'wana na byin'wana, mavabyi man'wana na man'wana lawa ya nga exikarhini ka vanhu, a ya suki. Hi Vito ra Yesu Kreste, i ngaku byi nga huma eka ntlawa lowu wa vanhu. Leswaku va tshuxeka kusuka eka awara leyi kuya emahlweni, leswaku va nga ha dya Swakudya swa Gama leswi hi swi pfumelaka U nga ta hi rhumela swona evhikini, Hosi, u handzula u pfala Swilemo leswi kutani u hi komba swihundla leswi a swi tumbetiwile kusukela loko misava yi tava yi tumbulukile, tani hilaha U tshembhiseke. I va Wena, Tatana. Hi Vito ra Yesu Kreste. Amen.

¹⁷³ Hinkwavo lava pfumelaka ni ku amukela, yimani hi milenge ya n'wina, mi ku, "Ndza pfumela. Ndza amukela. Sweswo hi leswi Xikwembu xi nga ndzi tshembhisa swona, ndza amukela." [Nhlengeletano yi tlakuka yi yima hi rito ro amukela—Muhleri.]

Hosi a yi mi katekisi. Sweswo swi sasekile. Munhu un'wana na un'wana u yimile! Sweswo swi kahle.

Khodo ya ku, *Ndza N'wi Rhandza*. A hi N'wi yimbeleleni risimu leri, "Ndza N'wi rhandza, ndza N'wi rhandza hikuva U sungule a ndzi rhandza." Hinkwerhu sweswi.

Ndza N'wi rhandza, (loko mi swi endla, a hi
yimiseni mavoko ya hina) ndza N'wi rhandza
Hikuva U sungurile a ndzi rhandza
A xava ku ponisiwa ka mina
Ensinyeni wa Xihambano.

¹⁷⁴ Oho, A nga sasekanga xana? [Nhlengeletano yi ku, "Amen."—Muhleri.] A hi tlhavulaneni mavoko ya hina. Buti, wa gama, ntsena hundzuluka, sesi, tlhavulanani, loko ha ha ri yimbelela.

Ndza N'wi rhandza, . . .

Makwerhu, wa gama! Makwerhu, wa gama! Makwerhu, wa gama, muvuri wa Rito! Charlie, u pfuke njhani? Xikwembu a xi ku katekisi, makwerhu. Ndzi tsakile ku ku vona! Xikwembu a xi ku katekisi, makwerhu. Xikwembu a xi ku katekisi, makwerhu, wa gama. Xikwembu a xi ku katekisi.

Ensinyeni wa Xihambano.

A hi N'wi yimiseleni mavoko nakambe.

Ndza N'wi rhandza, ndza N'wi rhandza
Hikuva U sungurile a ndzi rhandza . . .
(nakona U mi endlile gama)
Kutani a xava ku ponisiwa ka mina
Ensinyeni wa Xihambano.

¹⁷⁵ U ta switiva njhani, xana misava yi ta switiva njhani leswaku mi rhandza Yesu? Loko hi rhandza un'wana. Sweswo hi leswi misava... Wa vona, Xikwembu xi vona ripfumelo ra wena; misava yi vona goza ra wena. Rhandza un'wana sweswi. Vana na tintswalo eka un'wana. Vulavula na un'wana. Vana ni ku lehisa mbilu eka un'wana.

Kutani swileriso swin'wana leswi hi nga swi nyikaka, nkhuvulo, ku lava Moya lowo Kwetsima... Hi hava ndhawu lahawani yo swi endlela kona, ma swi twisisa. Ku vitana lava tweke rito, loko Xikwembu xi mi khorwisile leswaku Leswi swi ntiyiso, leswaku Yesu Kreste hi yena tolo, namuntlha, ni hilaha ku nga heriki, nakona mi lava ku ti hlanganisa na Yena, fambani mi ya khuvuriwa hi Vito ra Yesu, mundzuku. Kutava ku na vavanuna kwalahaya lava va nga ta mikombisa. Hinkwaswo leswi hi nga swi endlaka ku mi pfuna, hi ta swi endla.

Ndza N'wi rhandza, ndza N'wi rhandza

N'wina mi nga eka tqihingho sweswi, Tucson, ku ya eCalifornia, ku ya eVuxeni, yimisani mavoko ya n'wina, ehandle e...?... N'wi dzuniseni!

U xavile ku ponisiwa ka mina

I mani a nga ta hi ntshuxa? [Makwerhu Branham a vulavula na un'wana eka platifomo—Muhleri.] Sweswi, ku kondza vusiku bya mundzuku, ndzi nyika wena Makwerhu Neville, mufundhisi wa hina.



MBEWU A YI DYI NDZHAKA NA XIKAMBA TSO65-0218

(The Seed Is Not Heir With The Shuck)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Wavumune ni madyambu, Nyenyenyan 18, 1965, eParkview Junior High School eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org